



蓮鬚閣集卷之二

明番禹黎遂球美周著

四言詩

附擬古樂府

恭遇上耕籍田作詩八章

崇禎七年春仲

帝德萃虞王功尚周歷畔啟化幽穀詒謀徇齊應運肇

祚承休昭穆錫嘏邦本是求

典集其成鼎變式玉種稂亨粹耒耜淳樸取益必躬出

震聚欲爰載青旂遂戒龍幄

星辰文從淡出武器遊陋夏補觀快宸祕旭杲有慶虔

蓮鬚閣集卷之二

詩雪軒校刊本

恪司事樂氣流元乾坤大至

睽饒皆備三九既任百靈矩翼萬類宮音象步羲畫風

洽舜琴勾芒懷從上帝惠心

祖考蒸嘗士女祝勅軍實赫張神人攸眷占協暘雨動

若雷電稷稼告成鑄飲咸讌

汎流豈豫鳴球載歌日就被輝雲從布和數舉德飽位

列會嘉素餐近懼衍食旨多

三錫實繁五色惟物工稱于勞農乃不屈趨躍佩帶紛

續塵徹出毳拱衛入徐散拂

輔德有象春官威儀璇杓受祿穎粟采詩家食卜吉并
汲且垂傾風景化矢義蒙滋

幼婦篇

幼婦皎然年當艷時眼若秋水面凝寒脂于歸老夫命
為雄雌情乃不屬義安可離不如齊女遲歸愆期嘖嘖
來卿報讎名垂木蘭從軍身等男兒緹縈感慨為帝者
師束髮事夫更欲何為寂寂當窓扎扎鳴機織成大布
以禦寒威三丈作被餘裁為衣非無刺繡錦組光輝非
無雜佩紉襲蘭芝色既匪尙幽嘿自持淑順終老何求
蓮鬢閣集卷之二

詩雪軒校本

人知雖無人知安惕以怡

孤鳥篇

孤鳥卓卓回翔自天念無儔侶畏聽鳴弦託婚雞鷺飲
啄為緣一啄尚可數啄爭先呼出主人逐之野田幸乘
長風高舉翩翩朝鳴扶桑夕宿華巔鳳凰為羣鵬鵠參
聯俯視雞鷺肥且烹煎欲銜之去盡爾天季見我長頸
謂復垂涎登栖入籠恣飽嚇然主人望我羽翼加前鳴
中律呂毛中周旋願借歌舞享爾甘鮮為謝主人好生
為賢念為黃雀代爾銜環

壯遊篇

壯遊峩峩戲諱逍遙出走豪杰居祕嬌嬈榮如舜華載
且載宵憐忽以慨馳驅遠放白馬朱纓玉勒金鑣繁羽
魚服鮮卑寶韜昂昂大道去如風飄問君何爲舍佚卽
勞誓雪國恥以舒鬱陶死重于山生輕于毛西當滅賊
東欲破遼孟賁鼓慶忌從軹歸來享客易牙在庖東
海爲酒泰山餘殺嬌嬈出房臨鏡天天將子尋儂結髮
垂髻妾爲王母君爲子喬

獨漉

蓮鬢閣集卷之二

三

詩雪軒校本

獨漉獨漉水深泥濁獨自揚鞭不及馬腹英英白雲風
來則分舉頭射雁回頭見君君從何來中道行苔日莫
無主能不徘徊猛虎飢啼是東是西望之不見荆棘齊
迷我欲登高登高爲勞不如白日還衣錦袍羣鳥飛天
逆風不前不如栖雞羽翰翩翩

善哉行

人生百年晝夜平分與我之日三萬六千

解日月周天

上有僂人勞勞災咎爲束星躔

解

厚恩高義揮手量錢

所求不應兄弟失歡

解

顯名厚實畏盜憂讒念爲貧賤

其如子孫解大鳥翩翩羨乘長風會舉兩翼安得息肩

五成金點石所貴神丹慷慨結客母有貳心六
解

五言古詩

詩古集卷之二

...

...

...

...

蓮鬚閣集卷之二

蓮鬚閣集卷之二

四
詩雪軒校本

...

...

...

...

...

...

...

...

...

蓮鬚閣集卷之三

明番禺黎遂球美周著

五言古詩

附擬古樂府

擬古雜詩三首

遠與君別者昨日已今日迢迢萬餘里歸期安可必盜
賊多殺人兵氣天地黑昨日我出門卜筮俱云吉不愁
飢餓死但恐隔異域傷人定相笑信誓嗟何及人生非
鹿麋孰與不交識夜夢各相見晚食各努力
醉臥仰視天天星亦胡然卷舌能食人一卷百禍連壯

蓮鬚閣集卷之三

詩雪軒校刊本

士血如漆氣熱燒九邊大地吹黃沙白骨爲塵煙鬼伯
舐復厭心苦肉不甜生季只滿百見此良憂煎不如且
行樂樂意誰能宜陌上多游魂紛來纏竹絃
盈盈樓上女織素當窻月十日成一匹輕盈等飄雪愆
期未許嫁坐長垂腰髮卷素不裁翦摺疊恆恐裂刺繡
鴛鴦紋月色映明滅下樓喚買絲上樓情脈脈絲價已
十千空手從追索四鄰持金錢尺素安肯截畱用爲嫁
衣夫壻永怡悅

擬古少年從軍四首

左手斂垂髮右手拍長劍行行已萬里馬力直於箭追
得負心人抉骨獨畱面攜將報所知當夜重開宴衆客
輕後生酒至坐疲厭不語疾馳出復向沙場戰
夜宿河上沙日飲河流水河黃不炤面心熱酒發耳男
兒漸有鬢安能悅女子不如老邊庭夢我長皙美
狀貌若婦人力能挽強弓豈是木蘭女無勞認雌雄昨
日繡旗下金甲騰烏龍胡兒皆歎惜闕氏在其中惟恐
生得我引去馳下風陳平有心計恨不攜我從雖能解
重圍亦笑非奇功

蓮鬢閣集卷之三

二

詩雪軒校本

據鞍斬單于拔纛戲旋舞餘勇無所施搏得山陰虎獻
馘八漢廷金印炤旗鼓拜爵當上公賞賚出珍寶主上
方好少分功殊贖武列侯半男寵自媿同姣好惟願歸
南山射獵能供母

述古

并序

詩雪軒校本

古詩自十九首而下多擬作矣果依文托骨未

難爲繼於比詞賦事寧讓興製耶予少讀書得

意志句取義斷章惟於懷古思頗深湛壯遊攸

歷鳥能已焉於是引韻隨體聊吟慨慷凡十首

北風何蕭蕭感慨過易水蠻貊一少季矯矯今壯士藥
囊提七首殿柱空復倚遲發失所期燕丹匪知已飲酒
荆御怒俛笑田光恥徒令高漸離擊筑入秦市

夢蜺枕髑髏觀魚有至樂塗龜曳其尾犧牲任燔烙彭
殤既可齊鵬鷗應同適把酒上濠梁不見莊生跡人生
百年間與運爲順逆存神蟄龍蛇良玉珠圭璧往來莫
或知出處無損益曰予事驅馳巖栖渺何擇揆彼逍遙
遊誰爲腐鼠嚇

九月塞門寒將軍遠圍獵酒性渴復怒虎血騎生歌滿

蓮鬚閣集卷之三

三

詩雪軒校刊本

酌飲□□齟齬不堪漆何人武靈服騎射羣椎髻將軍
運後臂雕弓勝重革殺□勿殺降封侯強氣魄

項王起江東所志在富貴意得氣易餒爲時豈不利初
吉示必死終凶在分地衣繡恐夜長立霸徒自恣不敢
續亾秦鴻門乃兒戲漢本無小讓楚已失大計平間亦
旣行越反豈無意往來苦楚兵并力寔鬪智至今陰陵
道夜雨英雄淚思歸豈成王豁達終獨帝

于公昔治獄平恕民無冤師伯去下邳神醉臨俎樽或
有鹿夾轂宛彼高其門至今傳淮陰宦轍一何尊碩鼠

與蒼鷹比比胡足言矧復受縱指區區報讎恩

積怨豈無自忘懷良亦難睚眦相往復切骨有餘嘆爰
絲毀絳侯後乃與交歡上前辱趙談所以能自安鼂錯
中其禍東市推心肝錯亦始惡絲案受吳王錢毒害有
交報刺客無終賢不如彼從史醇醪醉寒天昔可憐
西施乃殊色始亦教歌舞艷女待爲容大臣宜握吐美
袖掩空長鳩媒因延佇寂寂苧羅村春花幾風雨昔若
翔鳥無定栖飛龍無亢鱗韓信在淮陰飢餓不謀身進
食豈望報斯言良有神區區王齊楚免死狗亦烹孰與

蓮鬚閣集卷之三

四

詩雪軒校本

從赤松辟穀畱主恩千秋漂母祠堪與黃石鄰

賤日衆所棄貴恨結交遲不見朱翁子采薪慙其妻卓
女信淫奔乃在倦遊時激昂負弩過忸怩乘傳歸拙哉
蜀王孫知音羞女兒

曾參不殺人慈母終下機無兄云盜嫂世事皆可疑因
識秋胡婦却金慚所之冶容旣若誨何以規男兒皎潔
美羅敷曾來使君思羅敷但采桑使君豈無妻君子防
未然淑慎各自持

度嶺作二首

其後數期湖海封豕食肉

山腰如美人假寐春亭蚤長袖擁雲鬟舞帶垂芳艸樹
雀斜翠釵谿谷漾錦襖畫眉倭京兆復有張郎好結束
洵多才可憐金鑑老時人尙新粧落梅風莫掃
怪石與古松林立如甲士銅鱗作而怒姨盾絢犀兕不
肯受秦封鞭笞焉及此往見梅將軍功歸漢天子至今
往來人向午如趨市金梁待翡翠明珠疑薏苡亦有吳
隱之唵詩酌江水

古詞二首

公輸刻木鳳多年猶未成眾人重公輸始便求鳳形及

蓮鬢閣集卷之三

五

詩雪軒校本

其似龜蛇翻訝公輸名勿復與相語但須吾技精忽聞
雲中笑縱似何足驚不見丹山雛出卵能飛鳴

女兒剔指甲銅盤落神龍誤謂古琴絃彈之應黃鐘解
絃棄堦下何以別沙蟲展轉臥污泥不覺隨射工一夕
聞雷聲自悔失所從振鬣能興雲蜿蜒入天宮習知含
沙態謂帝勿復容寧當負私心不敢欺至公始識貧賤
交無爲信心同惟有道義盟庶幾能始終

閨情

明月皎夜光朝鏡如懸水炤影猶自可炤形嘆相似夫

子抗達節迢迢萬餘里肯爲兒女拘賤妾愁獨爾芝蘭
不再榮舜華胡足恃空房挺光艷將無鬼神喜芳盛乃
遐棄彫落徒自恥嫁夫勿男兒娶婦勿女子男兒志四
方女容易衰改何以副中情比翼栖連理

結客少年場行

生兒未齊戶結客少年場借問結交人不數秦舞陽泣
者高漸離深沈者田光醉者名灌夫美者張子房感恩
思報仇相送大道傍白面坐桃花匕首光如霜男兒無
意氣何用七尺強一嘯向豎儒俠骨違故鄉

蓮鬢閣集卷之三

六

詩軍軒校本

從軍行二首

汨汨河流水行行萬餘里萬里隨所之從軍還何時生
還不足顧誓死從軍路旗麾壯士勇鼓重將軍怒飲馬
不解鞍嚼雪不知寒陣前殺氣熱戰後星芒光前驅若
飛鳥兵行多號少一戰塵頭散再戰軍聲小敗走與夜
亾行伍各衝當轉鬪不容已踏爛左賢王

從軍復從軍登高遠臨眺山寒餒虎出天黑腥魂叫爨
憑狼矢煙風吹鬼火焰大宛貢名馬烏孫奉新詔望望
絕王庭但倚燕然嘯

觀琴古俠士磨劍歌

十季磨一劍繡血看成字字似仇人名難堪醉時視舊
仇劍邊鬼新仇眼中淚倚嘯復悲歌嚙斷長虹氣不得
語公孫阿世斯其志

苦寒行

遠行良自苦南人馳北道燒冰雜塵飯鬻豆作馬艸火
凍夜雪光霜籠朝鬢老途遠行入夜日短起喚早路傷
多枯樹枝重垂欲倒路下多危石水乾城如擣前有餓
虎啼後有僵魂槁問爾何所爲驚惶亂懷抱燕姬直酒

蓮鬢閣集卷之三

七
詩雪軒校刊本

壚趙室橫錦襖過耳不畱聽八目如蔽好築金共馳駿
獻玉真懷寶旅人誠先笑懊惱復懊惱

苦熱行

山高不可越天高不可量羸瓶坐井底割輪愁津梁放
士如飢鳶站站飛炎方秋冬且氣溼春夏憑雲光長蛇
伺我門射工登我牀白日不遐炤酷吏威乃張游惰翼
狔虎富畊爲窮殍戕冠揖大盜徽纆繫善長飽飣未云
樂叩戶還驚惶文章患來田仁義疑漫藏森森大海涯

彈琴餘慨慷

龍肉不可飽珠貝不如衣放臣恥忠名察主容佞詞重
雲障白日蚤暮安能知相去日以遠誰見君所爲行行
遵大道齷齪如伏機蟬綏翼爲重范冠毒與懷臯音豈
療妒狐媚生疑猜中夜獨延佇昂首臨高臺占星望恩
赦懷德視泰階豈敢厭溝瀆庶幾興艸萊平沈楚艾滋
夷養周原開聽我放歌行千古有同哀

南國篇

南國有艷女十五居紅樓樓上鳳凰鳴樓下鴛鴦游楊

蓮鬢閣集卷之三

八
詩雪軒校本

柳覆朱闌芙蓉環綠溝鏡月曉雲宕玉面翠蛾浮粉汗
微風氣衣袂層香畱雀釵膩易斜釧臂滑且柔新粧宛
自矜搖佩臨芳洲山色映遙黛艷影涵清流陌上聽吳
歌花間荅齊謳楚腰約舞帶鄭曲彈箜篌相逢遂罷作
妖冶忽如羞含情一爲奏新聲諒難酬婉轉吐朱唇光
彩回鮮眸牽雲排鳥翼渡水驚魚鈎駿馬不肯行蠶絲
絕其抽歷亂飛蝴蝶參差鳴睢鳩光榮謝舜華衣裳說
蜉蝣元鳥西復東雄雉旋且雒爲此紅樓女紛紛如有
求此女不畱盼見者終難休借問夫婿誰何以副綢繆

同聲歌

今夕是何夕側身奉君子明明銀燭花綢繆細相眎羅
帳畫芙蓉映面芙蓉紫繡被橫被鴛鴦正與鴛鴦似仰望
牛女星迢迢不如此感君方寸恩報君何所是願爲白
藕絲藏君心竅裏願爲和衣帶抱君雙腋底亂髮纏君
心柔膚印君齒四時願皆春願作新花藥永夜明月光
團圓願初起節候有盈虧中懷長不毀伊喔雞既鳴婉
變未能已

江南曲

蓮鬢閣集卷之三

九

詩雪軒校本

天上月似船江南船似月載去當載還吹落梧桐葉新
月待新圓燕尾翦殘煙莫打鴛鴦瓦怕斷琵琶絃夢郎
擲金丸醒來握蓮子心苦不自知但得眠來喜藕絲抽
寄郎辦作紫騮韁倘及騎蝴蝶鞭來過女牆行行繞回
字定是今朝至洗手上高樓釵頭簪茉莉開匣見郎書
富貴是歸期扭碎茉莉花換取金縷衣

寄謝伯子

十齡相對君十季笑相視春風拾桃花秋衣把煙翠俱
是窮愁人清歌當狂淚淚亦不足垂含愁但違異盛季

坐流光何時稱得意昨日見麻姑白髮今繚地感此長
念君誰爲豁幽思

新卜虹岡秋日借諸子集飲作

招隱怨迷津古堞餘高土鋤茅遂卜居甘澹忘貧苦讀
史託是非論詩見今古窓雲倏窈窕簷翠移媚嫵西風
一夕至庭樹爲歌舞坐客倡吳歛列和如鐘鼓斷羽惜
文雛能言笑鸚鵡自適溪山情元心任城府

新詠穉子

綠滋映堦城白石蔭辛夷虛簾日方午舞影出參差散

蓮鬢閣集卷之三

十
詩雪軒校刊本

繞逐花落透合搏蜚飛嘯聲倏有義置物無餘疑主幣
捧桐葉客馬巡竹枝或復揖讓食旋載芙蓉旗

奉題忠孝祠詩

并序

忠孝祠祀王參藩公也公諱綱餘姚人洪武初
與黃昇以平潮州之亂回經增江遇賊不屈死其子彥
達大罵求死賊義而釋之俾以羊革裹公尸歸

事聞之朝卽斯地立祠祀焉迨公六世孫新建

伯文成公至粵爲文謁祠系以詩今制府公則

公十世孫來鎮粵與前爲直指按臨咸庀祀事

諸官僚人士徵詩賡美爰有斯作

明運耀八紘皇祚垂靡極永滌□□爰懲雉兔匿篤
生英雄佐輿塗紛努力勳存帶礪盟烈血康山食更有
過涉臣貞魂妥南服被命截鯨鯢死綏酬社稷蔡亡義
旣勵灌勇情尤逼執言誓同殉格暴歸服革尸視重典
禮俎豆感行惻蜀廟諸葛遺漢柱伏波立何如名世賢
代興懷祖德弓矢有恆賜斧鉞儼重卽奇功侈新建懋
伐還茲日旌節覲題楹英風凜餘甯昌後報匪殊旌勩
斯同識敢愛濟蹇勞匪躬以爲則濯濯賴皇靈恩休奠

蓮鬚閣集卷之三

土

詩雪軒校本

家國

贈張受先

簪始載鉛槧上國欣翱翔冰泮雪已消朱葩迎鼉陽文
心與雲集道翮誰翰張之子應運作百和先一倡攀飛
操威鳳辟邪屬神羊流俗亦起頑聖人思見剛矧予託
交早旣覲靡愆忘永矢奉良規濟津是爲梁

贈張天如

翰音美其蹠不如鳳凰毛巖桂垂蠹柯不如珊瑚高君
子永終譽同人焉號咷焜焜向日葵安能沒蓬蒿燕燕

自于飛安能隨伯勞嗟予海濱士慨慷行以敖束書望
壇坵受事咸建囊贈佩當佩蘭八羣惟載羔

贈吳駿公

聖帝肇中興至人竄當時雄文糾灑氣鼂陸誦夢思子
淵洞簫賦司馬長門詞兒奏復爲爾終對烏足奇未若
青雲彥鉛槧輝綸絲弱冠勤握髮謙亨靡窮期

贈邵僧彌

邵子梅花詩艷破仙人夢我從羅浮來清光遠相弄鳴
叶雙翠羽威攢五色鳳左肘自楊生商徽與風送昕莫

蓮鬢閣集卷之三

士
詩雪軒校刊本

怡過從餘馨寄遐諷

飲酒

艷女每擅寵才人多好名不如遠妒忌尊酒見平生杯
勺興斯夕濯濯初月晴呼吸遍形氣澹動開神明何以
趣我遊三復山海經

參曹溪道場宿憨師影堂作

大教齊事理凡心交信疑四大示所聚天人顯盧師頌
仙旣遠遯毒龍亦恆依作用有顯祕知量無參差後起
仰高蹤途轍何合離法興金固城旨沛湯濬池嗟予躡

形影淑問啟新知茲來仰堂構攝心覩威儀餘馨入松
風高鐘旋翠微廊櫺窈窕轉墮檻玲瓏施香煙界溪流
燈月藏山輝晦息意乍定梵聲發嘗期共歎中興功俯
禮無異詞

次江西憶大兒小兒偶然成詩

大兒名長雄小兒名石官大兒始讀書問義生波瀾小
兒恆索食或啼或卽歡昨日我出門蜀茶花未殘大兒
立花下嘿嘿眾相看問言將兒去掉頭作語難小兒去
索食與食且未闌我母語我行吉行毋盤桓恐渠亂牽
衣遂已出江干

蓮鬚閣集卷之三

三

詩雪軒校刊本

訪徐巨源

五嶽不相見四海水力同日月豎相望相抱光如弓十
季讀君書一字復一重恨是古之人鐘鼓徒逢逢何意
當吾世遠道能相逢叩門若還家入座如登峰易爲掛
壁歷劍爲豢人龍數米度琴徽坐枕看詩筒佳兒立左
手友生偵下風當食箸頻畫醜酒臨天公嗟我胡守雌
徐君爲真雄

入雲栖山中禮蓮池大師塏作

璧水盡功德至性通儒禪吾師起縫掖爰蒔金臺蓮道
器無祕現形神徹入天好生以爲意淨域歸自然遺骸
等碩果大教恆薪傳墦宇肅日光堂寮結爐煙請觀花
藏臺渺渺須彌邊復有護生城毛羽咸潔鮮無乃皆像
教參契卽重元松房萬木蔽竹徑祥雲聯如何桑椹宮
鼎鼎徒敬偏吾將以報師儒服不爲膾二帖來書計聖
中秋十三夕自白堤赴李仲木約同諸公坐月宿
吳亦清灌谿老師齋中

素景澹空際予心偶同秋權燼復諧約采月停穆流晶

蓮鬚閣集卷之三

西
詩雪軒校本

氣沐寥漢餘懷澹芳洲傾觴屬神契列簞爲醉謀夢涼
疾亦蘇何宿維蘭舟

梁溪黃心甫秦以吳二子訪予虎邱畱詩失值

出入亦以度病起山且寒偶然曝背去二仲來雲千畱
詩得半面肝腸如鏡看言在竹亭上看竹兼未難盤盤
盡空林望望過石壇晨興信藜杖不見隨所安

登太山上天門作

曉日上紅門向午在盤道狎鳥等游魚壽柏齊寸藻高
天自無雲俯氣互遙顚衣帶須臾更煙流合離抱凌杖

掛層階浮身射眾寶石壁啣瑤浪陽冰酒晴潦宇宙何
寥寥經過懷玉環

寄懷徐巨源

可憐少殊色我輩如佳人傷春苦相念慰藉惟保身自
從過子門相留坐明月得句如折花簪花爲梳髮猶恐
外人看不似初離別離別幾何時春風吹柳枝新月照
客牀不作蘇臺期前日有客來言子涉江水敢望不敢
信吹簫待吳市昨夜有客還送子酒一石寄酒不寄書
結言在疇昔碧水自悠悠炤花花不流還來與子期作

蓮鬢閣集卷之三

五

詩雪軒校刊本

賦同悲秋

吳江舟中感念先高士夜遂夢見起以墨研淚爰

識斯作

咎者不識禮孝道多所違或狎少季場或僻書與詩或
逐高朋會或結窮交知意氣人所慕聲名忽以馳豈知
爲人子有一非所宜我父本碩德博雅爲世師餘興復
不淺風月開襟期我始因過庭坐客稱佳兒弱冠志四
方色養遂已虧父兮本好遊兒不於焉隨父歸兒復出
兩載兒乃歸賓朋交雜逕登堂重修詞母乃父勞苦借

讀鄰一枝敢忘定省節烏戀曾幾時敢畜私錢帛解贈
恆不支只恃愛日長詎識沈疔牀前跪侍疾痛哉永
相離雖誓斷肉食何能一補之雖爲資蓮邦寧似居庭
幃行行乃復見音容儼昔慈獨坐擁萬卷兒亦前戲嬉
夢樂覺益哀見喜想逾悲願告爲人子承歡慎毋違

送關子喜王崇闇二子入都作

北風何蕭蕭明月照我牀仰見鴻雁飛下視青萍光思
我同心人翱翔入帝鄉帝鄉萬餘里雙闕雲中起七政
齊玉衡三公慎調理被服晚聖賢冠佩何翩翩及此相
蓮鬚閣集卷之三

六
詩雪軒校本

交結豈怨羽翰別見龍利文明貞士持苦節

酌雲淙邀瀑亭

同陳秋濤老師作

斗酒故人趣牽衣坐巖苔縣泉與雲落寫景滌尊壘萬
翠忽欲動態合如始開山中千歲流到海生塵埃僊人
太古絃揮彈聽徘徊餐花痛飲酒以此名千杯愚谷當
可移媧石畱天隈翼箚稱經營飛練憑翦裁

途次寄兩弟山中

旅服涉塵海戒途如卽戎雙飛蘸水燕孤鳴出雲鴻江
南逆遙翠况乃吾山中茅簷纈丹實霞幔披重重芳蔭

隱谿梁激流注遙峰伸足濯雲瀑俯首聽煙松嗟我同
生人食貧守幽蹤先人有遺區樹植意想從蘭茗被嶢
石城滋襲苔茸箕踞弄鳴絃冷然送泉風胡爲事行役
勞勞昧所終歸歟遂結廬與爾巢梧桐

七夕酌李文中竹圃留宿作

天風吹雲盡恍聽銀河聲虛堂亂螢落萬葉蕭蕭鳴客
留主盡醉一榻橫紗屏月沒衣浮香獨起看明星卽次
愜幽賞轉傷羈旅情誰能與夢來相對銀燭清

奉寄總河張公

并序

蓮鬢閣集卷之三

七

詩雪軒校本

大中丞東陽張公頃宰番禺時拔遂球冠童子
科敎愛備至旣而公任應天巡撫凡六季特召
入面對陞任總河庚辰之秋遂球罷公車南還
見吳中人士以公去任爲思不啻番禺人之思
公兩地甘棠交切樂慕不揣爲詩附吳人士書

以奉公兼志媿感云爾

張公鸞鳳文孤軒試爲宰酌水重吟詩下車先泣罪五
穗恍臨仙六季庶無餒氣振高天膏脂留大海社稷
並尸祝朝堂吐丰采妖氣斥瑣闥寅清肅察案節鉞鎮

吳門旌旄新壁壘如投公瑾醪累奏伯言凱囊未盡得
見碩膚每隆禮兵吏各懷恩感激至流涕金湯鞏天塹
東南歸愷悌轉漕蕭相功奏牘山公啟民隱亦旣恤士
類尤得體急補射工盡屢伐鯨鯢徙鋤莠育良苗去棘
栽馨芷儲仿調豐荒衣食與廉恥得輿載碩果頌碑感
天子簡命重司空誕敷勞治水召見久虛席聞聲識曳
履今來髭髯白簪侍威儀美龍顏爲咨嗟虎衛環注視
晉接語綢繆宴享陳鼈鯉飲御盡夔離祖帳填都市欽
哉元圭錫巍乎天柱倚八伯歌以和四載乘伊始步禱

蓮鬢閣集卷之三

六

詩雪軒校本

隨格天貢賦欣舉趾新政忽以傳舊德食何已及門如
遂球圖報有同矢憶昔旣成童未學多鄙俚試日數千
人從公選一士何意混驪黃遂獲稱桃李于今十六秋
空慚犬馬齒云何附雲霄庶幾知義理粵地遍生祠耕
耘獻豸祝公每神醉面牆得仰止吳人盡口碑孤寒
亦衣被對公咸意消樂郊逢燕喜銅柱伏波銘岷石襄
陽峙何如袞烏思夏爲霖雨俟利見普德施大吉占鉉
耳竊附甘棠頌策足淡自恥

花紅人髮黑綠水流香國炤水樓參差朝朝漾春色落
月住簾櫳金鏡雙蟠龍風開紫羅帳繡被吹芙蓉晶簾
互明滅艷曲花間發鸚鵡不知寒隨人歌白雪

清溪曲

日飲清溪水夜宿清溪煙煙中雙白鶴落水踏紅蓮蓮
根抱溪石蓮子生石壁絲牽不自繇心苦半枯赤白鶴
似能言銜蓮飛上天口銜不得語語便落人前

莫愁曲

茸茸沙樹煙沙白高如山青山搖水動歡去幾時還山

蓮鬢閣集卷之三

九
詩雪軒校刊本

青有時綠搖櫂聲相續載夢過江來聽我莫愁曲身是
江南人不見江南春風吹裙帶拂起落花塵

招隱洞尋玉藥花亭作

玲瓏古洞深窈窕遠相尋尋仙不可見尋花松半陰山
人向予語只在石亭許可惜春江月但向春江柳江北
望迷樓翠幙珊瑚鉤瓊花淚煙晚玉藥不關愁本是仙
人樹不戀繁華土誰能不染心飛還作香雨

中秋十七夜宋令申給諫招同陳藥亭吏部待月

非球人虎邱石上作

蓮鬚閣集卷之四

明番禹黎遂球美周著

七言古詩

南都篇

春風來聞之古者帝王建都不求居險公矣大哉然所

以勒仁義之甲冑厲道德之戈兵卽於是乎寓

兵家推言九地揆厥繇生不是過也明興定鼎

金陵既而都北邇自東西

憂之豈知居重馭輕惟斯為要矧夫外難之殷

蓮鬚閣集卷之四

內修藉焉觀書訓無逸象首不息則國家億萬

斯年之業於以小矣遂球謬廁公車載南載北

爰因鉛槧為詩兩篇惟不忘規敢云能賦首以

南都因所先也

春汎秦淮水秋宿莫湖愁金陵占玉氣玉殿鎮南都南

都自是周豐鎬大江東去如環抱山山回首拱神京樹

樹垂枝臨古道天闕平懸牛首高栖霞隱望雞籠曉體

勢橫看列五行光景從知涵萬寶更識盤龍氣象奇更

誇虎踞石城威鎮波臣朝萬里腰回海若叩丹墀春

詩雪軒校本

潮蜿螭蛟龍雨晴浪雲雷燕子磯魏文嗟天天所限諸
葛窺吳吳不移孫吳自昔持魏蜀六代繁華聊自足豈
但秦遊良爲常還看晉室風成俗夷吾江左起功名召
伯東山品絲竹烏衣子弟尙清談玉笛郎君弄新曲靈
和柳絲旣可愛含章梅額尤堪續年年梅柳滿江春苦
惜前時歌舞人景陽樓上鐘都歇華林園內草仍新金
蓮六尺委初月羊車小隊埋芳塵何處新亭空有淚何
人種樹不沾巾李白紫裘應換酒江總青溪誰買鄰繡
衣亭可問功德水爲真雨花長千里生蓮前代僧遊佚

蓮鬢閣集卷之四

二
詩雪軒校刊本

豈長策江山寧可憑皇明定鼎馭□□居然在德不在
險渡江龍戰本心服用武長驅如席捲方中新卜亦相
宅旬宣教化重分陝九十六里天街斜一十三門星衢
轉堯階羅列儼神聖禹服雍容臨黻冕后湖圖籍寶億
兆東壁文章同萬卷朱門金闕遠相望參差甲第諸侯
王虎臣爪目深列出衛士脣齒懷慷慨車書一統正易
俗日月大明咸覲光誰信貽孫終放墓誰知燕子爲肯
堂驚傳靖難師方起漢朝七國寧堪比卽看赤舄問成
王頻愁朝服臨東市忠臣肝膽剖十族義士皮囊躍一

七貞破影血配萋宏苦節題詩羞柳子紛紛行遯繼奇
忠嘖嘖先朝能得士忠義滿朝猶失守如何可大還可
久未若三垣正北辰長此分星望南斗迢迢鵝鸛列雄
犀肅肅寢陵屯細柳分明閣道朝衣冠敢道官僚備芻
狗南官北使鬪豪華看花射酒五侯家秋月馨香碎絃
索春燈濃澹堆屏紗螢光萬點串樓閣龍涎一頃泛琵琶
闌干隔水連橋曲舟騎看山隨意過吳綾蜀錦稱情
性漢鼎周彝來咄嗟佳人金釵倩脫籍詞客絲毫揮鬪
茶翡翠珊瑚渡桃葉鶯舌梅魂夢筆花獨笑揚雄嗜奇
蓮鬢閣集卷之四
三
詩雪軒校本

字提槩懷鉛來卽次艸堂何用作移文鍾山招隱纔微
至獻賦供覆缶不試徒多藝羞同衛玠看時從郭璞筮
一飯子胥感五斗先生醉聲色太真心社稷思遠志願
戮神州力何憂鑑湖賜幽風有詠歌前王同樂利賢親
其不忘偏安乃非計

北都篇

王者恥偏安王居大無外采甸遞臂指江河等衣帶肱
倚太行山坐擁居庸塞滄海遠瀛迴岳瀆顧咸在皇明
建北都形勢兼前代都城峩峩攢六字文武宣流若風

兩九邊環衛儼親軍萬騎騰驤列虓虎燕山銜掛長蛇
橫薊門陡絕盤龍舞秦地漁陽爭百二周室幽都雄九
五聖人九五昔龍飛山河百二古來稀歐□直過北斗
北信使且出西戶西九門開闢式圍有萬乘居守屯熊
羆廟市陰陽都應象輦道從衡如問棊故是大橫能協
卜寧因衣錦便懷歸澗漣營卜看如此錦繡山河臨帝
里玉橋嘶馬集夔龍金殿投戈講姚姒六官率屬濟舟
楫三公坐論端鉉耳內閣絲綸煥輔台千門經緯聯簪
履當時宮中與府中體統尊嚴無異同漢法丞相誅近

蓮鬚閣集卷之四

四

詩雪軒校本

侍周禮廷臣掌內宮越裳肅慎走南北玉門青海馳西
東因知輿寺盡良士何虞調燮不成功創垂承太祖積
累更羣宗啟子賢能繼宣王車旣攻狩雪河陽恥遊追
駿馬風阿衡存毫社太甲處商桐友于嗟魯定還政亦
周公或有帷兵甲時遭竊寶弓鄭盜須臾定虞苗旦夕
共五岳誇巡幸三洲愁鼓鐘淮南謀自左昭帝業方崇
任是圍三匝寧須舉五烽長狄專車載獫狁太原窮廣
成煉神鼎湘娥侍已恭纔聞觸瑟變卽悟伏蒲忠所繇
根本固亦賴股肱隆股肱世世同休戚根本盤盤共憑

藉禹稷動勞祠俎豆衛霍馳驅榮劍舄河漕激水銜舳
艦樂府誇胡謔簫笛東南喉咽儲紅粟西北關山嚴鍊
壁遇雨夬夬誰獨行匪躬蹇蹇惟感激艱難始經十四
帝述作應傳億萬厯今上堯年符中興雪消曉見宜太
平智臨天子正穆穆無偏王道其平平爲政豈假申韓
術崇儒爰反堯舜經微垣受事列星宿平臺召對環趨
承唐災商旱信啟聖潢池風角殊憂殷殷憂啟聖豈無
自軍符羽檄班翰至十道徵兵接鼓輦九重側席觀烽
燹卽看雷電掃腥羶復報萑苻泣珠桂大臣開府幾辟

蓮鬚閣集卷之四

五

詩雪軒校刊本

磔僉壬藏叢巧窺伺遂令中官代縉紳遂使至尊竭心
智禹室寥寥有鐸懸齊市紛紛傳踊貴其如索罪皆可
誅其實素餐爲可媿誰知萬里艸莽臣計吏重偕已七
春郭隗築臺羞自請劉蕡下第寧無因蒯徹空持雋永
說范睢未與綱成親憑觀每上玉泉寺感事因看石鼓
輪從知治世貴綱紀無如大學在明新商宗恭默始思
道虞廷岳牧先知人碩膚垂訓誠求備邁種失出稱祥
刑越王且有共憂慮孟氏是以言腹心會須脫弧雨塗
豕會見瀝膽傾臣鄰貨財不以賄賂耗糞粟能却戎馬

生元氣長河榮血脈喬木畱都固寢陵矧復辰居爲建
極矧復地勢如建瓴矧在祖宗有恩澤矧以皇上之聖
神和歌壯士刀換犢博物書生劍合萍峽古彈琴流解
慍谷寒吹律黍全登明明若木看調燭漠漠流沙歸內
廷何處聞鷄起擊楫何人射虎老邊庭義士有田堪種
玉廉吏恆產羞遺金禮以菟苗講農武詩歌孝友爲嘉
賓皇祖故有訓邦本識咸寧巍巍自是如天業諤諤應
須一士醒

西山牡丹曲

蓮鬢閣集卷之四

六

詩雪軒校刊本

西山春色如綠紗牡丹試暖齊放花雪香千頃染霞溼
歲蕤嫩紫參差芽看花宮使銀鈴馬飛魚繡服盤階下
斜尋金彈走冰坭芳塏日冷都城夜古道麒麟石入瘦
教捧銅盤進羊炙歌兒帶纈作珠鞭酒散馳歸火滿天
半劈花趺穿箭鏃嬌紅似割胭脂玉官銜乞與典門傭
曉賣郎君醉絲竹

荆卿行

寒風蕭蕭浩無主長虹曉射咸陽柱馬角生成烏白頭
遂令祖龍環柱舞端門兩雨蠻犀入九楹錯綺排九賓

將軍有頭不得語開函怒目猶如嗔殿上呼王王負劍
夫人七首何曾驗荆卿大笑藥囊前虹影猶侵血花艷
虹欲鬪龍龍未死龍死扶蘇作天子天意亡秦必在胡
鮑雜龍腥此時是

項王廟

黑騅盤血天無光英雄千古惟項王
咳下腰軀十圍潤贈他斗印縣金黃
范增先生羸豪耳啣王白璧換天子
羞令舞劍偶成功寧作獍龍鬪孤死
馬前挾得美人同差強昨日漢婦翁
莫媿江東舊遊處風雨雙魂歸共語

蓮鬢閣集卷之四

七

詩雪軒校刊本

聶娘婉眉歌

并序

崇禎庚午賊出增江口肆擄掠有殊色聶五娘
者賊得之大喜因戲謂恨其眉未甚婉娘從容
語曰女醮始掃眉若欲婉請假我刀刀得而剜
寶安李子定夫爲詩旌之以寄黎子黎子感其
意作聶娘婉眉歌和之

聶娘不用眉如柳雙劍玲瓏腦前後阿誰捕賊京兆郎
縱與畫眉非敵手官兵斂手賊狂嘯娘舞長眉對之笑
玉顏染暈沁紅冰羅浮梅魂冷相弔朱絃一夜芙蓉毀

雲雨模糊遠山委徒描初月走嫦娥甲痕羞空空待洗
丈夫髭髯總如此半尺垂虬掀不起紫石稜稜婉婉爾
翠娥如鍊真男子白頭天姥惜飛光續命只有文中王
從他鳥爪未肯禿更買黛螺千萬斛人生安能知死期
癡情艷骨東風吹借娘眉鋒不斬賊先斬偷生巾幗兒

蓮鬢閣集卷之四

八

詩雪軒校刊本

金銅仙人辭漢歌

軒轅不死傳古銅彭咸享壽季無窮仙人况是金銅骨

試令伸手行清空，掛向茂陵尋孝武。日落紅睛翁仲苦，
莫遣車前祭馬肝。猶羨文成終漢土，冷露如泉灑盤露。
療渴文君有誰鑄，待掞黃金釁寶莖。盤銘好勒長門賦，
驚起鴛鴦睡難足。却愁君夢正吹來，吹來并墮闌干曲。
燴水沈沈千里許，妾夢難攜君夢語。湖波燭影兩搖搖，
鏡前裊裊嬌無主。

風平風平詞

蓮鬢閣集卷之四

九 詩雪軒校本

風平搖海帆，參差城下石。亭花纈籬美人藕，肱抱瑤瑟。
十二春絃盤亂絲，愁攜破鏡看明月。遙雁一聲天氣裂，
阿母呼雲喚不歸。梅夢吹香淚飛雪，屏背敲釵吟白頭。
翠鬢排鏡入粧樓，傷心艸色連空語。望落銀河同汎舟，
鴛湖如紗碧堪語。風吹乍斷長堤雨，南塘蝶倦趁船歸。
飛上佳人繡金縷，亦有紅樓帶古橋。洗粧夜待燈迢迢，
拗蓮盤絲織情字。倒掛眉梢吹玉簫，

美人鴛湖詞

竹肉行郭履台先生招同陸青章諸子夜飲出侍

兒作歌因贈

郭公侍兒裊參差肉香竹孔調疾遲低昂無字有呼吸
鹿盧雙繭同牽絲忽如高雁叫寒水珍珠一串鬆喉起
入耳穿心散骨毛銷魂况翦秋瞳子老婦琵琶無足憐
賦簫娛疾徒子淵轉喉合律亦聊爾撮舌清嘯懷孤鸞
長繞空山疑界裂折作同心方勝蔓咽如流泉瀉石罅
細縛飛雲八蚊睫嗟予久客積愁緒一旦閒情都有處
竦然病骨醉餘蘇叫起頑仙聽鳳語

吳趨行

蓮鬢閣集卷之四

十
詩雪軒校本

歌吳趨請君住采蓮船隘闔閭門香風澹月蘇臺樹玲
瓏玉椀若雕天畱君夜醉曉窓眠江頭劍塚芙蓉萼重
開攢作朱闌閣望見子胥騎白馬西施與戰回廊下腥
魂索食怨魚腸莫嘆蛾眉如箭香笑擲楊梅騶相戲櫂
檜豈炤羅襦事琵琶奏樂錦文身荒亡義讓應同此斜
扶膩鬢稱儂心簾間小鏡明如意

短歌行

酒酣月滿地爲君歌短歌願君漏壺箭刻作魯陽戈夏
姬老矣嬴女如何維南有箕維北有斗持播南山塵載

挹東海酒明明如月仙人見之腸斷絕嫦娥倩靈藥玉兔如春雪何不醉挾羅敷採扶桑燭龍移炤合歡牀

西門行

出西門衣裳輕策馬肥愚人貪財愛惜費思舉手代爲散之含美酒唼西施少季馮子都吹簫鼓瑟隨我驅馳人生不行樂卽不死老尙何爲卽不死老尙何爲積金欲遺子孫子孫愚癡子孫賢媿畏人嗤

將進酒

糟如邱鞠作塵送花落迎花新笑君不飲何以爲親吳

蓮鬢閣集卷之四

土

詩寧軒校刊本

兒嬌楚臣苦醉無憂醒無主黃鶯自歌蜨自舞杯盤出古窰未必墳頭土朝爲雲暮爲雨安所得杜康變作巫山女朝朝莫莫不知其數蒸香滴酪沈青天花間酪酌寧須錢富貴自不暇貧賤且陶然死願作天上星生願爲地上仙今宵但可浸明月倒瀉珍珠那不前

水碓

灤流八咽瑠璃吐老去姪娥眠玉兔村娃閒鬪隔溪砧
輓轆自攪蟾蜍步催却鮫人頰爲織冰窟成衣雲白食
寒巖逗雨乍停風溽湧春高會未息吟蟬相杵夜無聲

山魘寂寂點鬪更惟有殘霞搗難碎晴光曉曳長天明

神絃曲

絳臣梅孫兄弟渡海並
溺爲作此曲以招其魂

蜃作三山虹作道桑田童女秦年老喃喃梵語喚西風
魂兮不語吹遙空雷形雙鳥飛斜雨淚眼看之疑曳苧
弟兄德祖兼文舉騎魚瞥作芙蓉主社公叩挽哀無力
浪花張天鹽雪白神巫好唱謝家詩花外沈沈夢顏色

陸將軍行

贈震湖都護

陸將軍環走邊庭如已屋醉卧每枕死□頭長嘯能呼
戰鬼哭往時赤腳向朝鮮劍氣直射鬚眉前相君斂容

蓮鬚閣集卷之四

三

詩雪軒校刊本

深借問尺書夜降清□天歸向遼陽氣猶熱叛兵怒號
弓矢折掀髯上馬突入營拍鞍大罵教無說掉舌如刀
不畏人天生虎力能捍身世人盡議袁毛事可憐雙眼
看曾真將帥交摧相印解當時重足羣相戒丈夫血願
灑沙場安肯囚冠坐疲僂唉然太息還鄉里扁舟老挾
賢公子秃袖重爲海外遊歌舞筵前認君是夜聽琵琶
如聽筑把酒低頭看髀肉何人再得將軍笑直使□□

向山哭

春夜諸子過集艸堂顏方平以劉姬之約逃席歌

山魃寂寂點鼉更惟有殘霞搗難碎晴光曉曳長天明

神絃曲

絃臣崙孫兄弟渡海並
謗爲作此曲以招其魂

蜃作三山虹作道桑田童女秦年老喃喃梵語喚西風
魂兮不語吹遙空雷形雙鳥飛斜雨淚眼看之疑曳芴
弟兄德兼文舉騎魚警作芙蓉主社公叩挽哀無力
浪花張天鹽雪白神巫好唱謝家詩花外沈沈夢顏色

不具陸將軍行

贈震湖都護

陸將軍環走邊庭如已屋醉卧每枕死□頭長嘯能呼
戰鬼哭往時赤腳向朝鮮劍氣直射鬚眉前相君斂容

蓮鬚閣集卷之四

十一
詩雪軒校刊本

深借問尺書夜降清□天歸向遼陽氣猶熱叛兵怒號
弓矢折掀髯上馬突入營拍鞍大罵教無說掉舌如刀
不畏人天生虎力能捍身世人盡議袁毛事可憐雙眼
看曾真將帥交摧相印解當時重足羣相戒丈夫血願
灑沙場安肯囚冠坐疲僊唉然太息還鄉里扁舟老挾
賢公子禿袖重爲海外遊歌舞筵前認君是夜聽琵琶
如聽筑把酒低頭看髀肉何人再得將軍笑直使□□

向山哭

山嶽春夜諸子過集艸堂顏方平以劉姬之約逃席歌

以調之

柔風香天散沈水春燈欲眠更扶起飲中成就八仙歌
紅裙隊裏紛才子回廊井頭鸚鵡呼絳桃飛落撲青奴
酒酣傳杯碎耳語催使顏郎扶醉逋疑騎蝴蝶女牆去
眼花望小章臺樹平明走馬報霞賤墨痕怨帶巫山雨
共知濠上有紅兒顏郎所歡爲大姨明眸膩髮兩艷絕
阿母錢樹扶參差

端溪采硯歌

南園社集同陳秋
濤區啟圖諸公作

對來九月昔青寶

喬雲搖根走深谷巖父冲冲鑿瑤玉移得良田白兔晁

蓮鬢閣集卷之四

三

詩雪軒校本

筆花萬丈棲鴿鳩媧天擦手溼雲濃秦皇鞭痕疑向東
硜然不數未央瓦神仙都下獐龍宮探來片片皆奇寶
蟲頭蝕斷紅霞老寒氣呵蒸平湧泉火瘧如烘温不燥
羚羊峽口琢磨家自然蕉葉勝梅花千緡莫惜買歸去
晴窓潑墨浮煙斜

牡丹後曲

江南三月春未殘虎邱十里橫竹闌茶店門前賣花市
粉氣脂香烘牡丹艷紫新紅臨綠水望去人家盡相似
中間小榭出橋頭參差更覺嬌無比山塘蕩槳看花回

昨日葳蕤今日開有錢不肯買歸去畱取朝朝暮暮來

寒江裊裊歌

秋空作影波如翦碧沁遙山溪逾淺鏡魄風吹曉月弦

誰爲彈鳴冷光偃裊寒江小女兒玉臺香字寫唇脂

工書早博夫人譽得句嫌稱幼婦詞誰爲鶯燕誰蠶蝶

相對贈詩還惜別恨不攜將鸚鵡飛教向簾間難七發

寂寞霜楓淚薜牆寫葉能銷水力香惟有詩篇長繡面

傳得新題到沈郎

徐方平字歌

并序

蓮鬢閣集卷之四

五

詩雲軒校刊本

徐巨源長子元晟奇可而慧好吟予詩作佳句

予字以方平因出水晶一方倩陳元者刻而佩

宋真宗之作歌

九齡吟詩見徐郎生時祖翁夢李王李王英雄難對值

佩郎願借神仙字君不見漢有張良唐有泌願郎努力

報明時麻姑屈指遙相期

憶昔篇戲爲友人賦別

楊柳風不如昔寢裏惜相逢江頭遠相憶憶昔逢君十

四時兩家鴉鬢恰齊眉流鶯每遇合歡處雛鳳能栖連

理枝枝頭點點東風血蝴蝶學飛春已熟簾內梳頭笑
共看花底回眸嬌欲絕擲君櫻桃無嫌猜繫君柳帶還
爲結去去來來不耐君迴廊蹴縹石榴裙圍棋溪夜鴛
鴦劫繡被春濃寶鴨薰胭脂玉軟酒初散蘭麝衣飄香
自聞只道迷藏穿柳月誰知相待溼梨雲雲壓疎簾寒
半藥月明高閣光如水等閒膝上教琵琶生怕籠中語
鸚鵡臉際芙蓉並蒂紅枕畔珊瑚雙舌紫避人深夜捧
蕭郎特地邀歡違趙姊妹油車出並隨兒郎玉樹對
參差船邊瞥見都含笑陌上相調只自知君家百寶桃

蓮鬢閣集卷之四

七

詩雪軒校刊本

花絡妾家半臂杏黃衣更憶華筵開玳瑁更憐花影破
琉璃玳瑁琉璃影畫袖底私分龍腦香聽歌怯值相
思字愁喚教傳琥珀觴夜沈羅襪溼珠露有時瓜果看
星渡乞巧遙同織女心憐才背誦相如賦明河織女夜
何如賦裏相如事轉虛梁上燕兒還赴社雲中雁字不
緘書與君隔別一千日教妾相將二十餘隔江望君衣
自溼隔花聞鶉花亦泣碧燵無主海棠醒朱闌無侶姮
娥入買絲繡面不繡心掩戶欲眠還欲立曉鶯芳樹輓
風淒燭下單衫淚舊題君今別有羅敷婦妾今慚作使

君妻妾今尚記樓中醉妾昔與君樓外戲金丸彈藥裂
窓紗腥花唾面吹簾毳當時婉轉垂流蘇此際模糊殘
翡翠紅冰易損繡襦前殘粧剩得素馨錢往日侍兒都
許嫁終朝厭雨不同前憶昔日憶昔年長大應慚近重
來亦惘然那知鸞背吹簫女空作梅花明月仙

綠綺曲

贈陳元者

蜀絃切切求知音京轂賣文豪破琴女兒重聲男重色
當壚復有長門金芙蓉隱映壁遙立盤龍月炤春山溼
獻賦還爲封禪書攀折銅盤求療疾白頭憐才各有情

蓮鬢閣集卷之四

七

詩雪軒校本

劉郎卓女殊相爭爲君細察鳳凰語何如名士悅傾城

春望篇

同陳秋濤黃逢永諸公社南園作

天南多淑氣

海國四時花
芳艸侵朝霧
香雲變晚霞
翳光搖雉堞
蚌影互漁家
况復當春望
遙晴到碧紗
晴風散葉楊
垂線晴日落
花泥掠燕飛
翠梁間
栖復飛蝴蝶
簾前去還戀
佳人粉氣熱
朝眠公子爐
煙闌夜宴珊瑚
寶樹掛羅衣
鸚鵡金籠傳
漏箭木棉紅
映曉山開百萬
人家旭翠堆
花田雨過昌華苑
錦石雲依朝漢臺
趙尉已塵迹
劉王餘豔灰
楚水啼湘竹
秦關折嶺梅
當時豪

蓮鬢閣集卷之四

詩雪軒校本

雄遞騎虎削壁懸
流割疆土閣氣沈
香布雨雲橋光綵
燭迎歌舞寶髻穿
珠僊鳳粧玉腕烹
龍島尸脯宮闕遙
連五嶺高煙花尙
識三城古三城隱
接三山五嶺迢迢
雲水間嬌娥勻臉
薔薇露賈客歸心
黃木灣鮫綃斗帳
裸寒玉龍鬚片席
裊愔鬢檳榔甘送
合歡舌茉莉結作
同心環同心復同
里白皙少季子荔
枝花並蒂榕木根
連理簫吹佛龍涎
畫橈移蜃市金屏
列雀開綵樹千星
藻雀屏蘭舫酣絲
竹綵奪化工生簇
簇同營柳院出秋
千仙觀花街羣踟
躅百獸魚龍迎錦
陣萬戶綺羅結

霞麓油壁通宵秉燭遊青驄遶郭揮鞭逐青驄油壁過
參差玉山珠寺遍相嬉不飢願化仙羊石鷺利齊祝海
神旗任是中原苦爭戰從來此地無瘡痍屣通象賄等
閒視惹苡明珠誰復知量珠應軍牒貨賄遷農業秧針
刺壟塍布穀催鋤鍤波斯碧眼胡崑崙紫髯俠奇珍運
甃驕異寶掛席拾陶公八翼折無能陸子千金良足稱
爭雄據險昔所歎海藏山衝容易憑銅柱長銘漢賊滅
金鑑還扶唐祚興曲江風度誅胡得昌黎文章徒纏會
傷時莫灑三忠淚廟食南園五賢地石銜精衛向厓門

蓮鬢閣集卷之四

九
詩雪軒校刊本

血溼杜鵑畱鼉屨殺氣滿浮雲訛言惑邊燧乘桴聖人
勇蹈海節士志我所思今在羅浮菖蒲朱艸蒙丹邱安
期駕鶴朝金闕玉女攀花待石樓采藥長生都且少好
色不死醉無憂爲問神仙東海樹何似使君南陌頭雲
霞彩鸞腹日月燭龍目盧師與三笑蓬萊堪幾宿更坐
金臺蓮還栽水田服禪乳嗣曹溪劫火畱阿育誰將浩
劫三生判且論九十三春半南遷唐相授楞嚴北去梁
僧徒壁觀問天倘信煉石功對酒肯作新亭歎已見遊
絲拂地回復看流水飛英亂春艸芳春望長山脊窺宛映

相如壁牡礪遙連宋玉牆王侯將相各有分鴉蠻鴉管
隨飛觴綴幘懸明月傾尊典鷓鴣二十四翻任狼籍三
萬六千猶可償

寶香篇

并序

寶安產香木其氣味視奇楠沈水梅檀諸品尤
爲甜遠香片以堅老爲貴色如茶褐或質白而
沁作山水雲影馬尾棕紋者尤上往予師灌谿
李公爲令時雅有沈香之操俗受還珠之惠山
市所出最上者每觔不過百許錢但邑中人少

蓮鬚閣集卷之四

予

詩雲軒校本

知選認亦未盡藝法予頗能兩解其妙於是朋
好相詒用表蘭同亦稍薪積邇來時事頓異權
要貴顯競事索尙價驟騰十許倍至於山童林
竭不可易得書笈數片珍等崑玉會客偶以爲
問不能無感作寶香篇

君不見羅浮山上五色鳥羅浮山前千歲香枝巢仙鳥
皮皴紫根穴神龍涎吐黃香名入譜稱黃熟香意如蘭
發錦堂錦堂公子曳羅衣繡閣嬌娥捲翠幃獨愁春夢
泥人重漸覺秋風到雁飛綾衿膩摺酥痕染銀燭光搖

眼暈微玉潤正宜烟裊娜釵寒時撥火依稀亦有霞蒸
雲蔚雨更入脂凝冰作土雪變遙峰人倚樓煙迷晚樹
舟橫浦晴散遊絲冒落花煖吐卿雲開列戶權移蓮島
碎鴛鴦簾捲梅檐慰鸚鵡鸚鵡收香芳樹頭鴛鴦選睡
杜蘅洲可憐韓壽稱同氣記得荀君曾遨遊口含雞舌
蘭言結袖傳龍腦蘭心畱出浴拭湯分姊妹是鄉如夢
老温柔忽訝飛仙來入坐一片投卿羸百和雨雲如絳
相思影石花似沁畱歡唾纏髮漢縈瑪瑙紋積血還疑
琥珀破越客鮫綃并裏將吳兒玉腕工磨剝

香片須判
去浮棧淮

蓮鬚閣集卷之四

三

詩雪軒校刊本

吳人得此法吳兒越客快相期金鴨銅瓶佐酒卮沈沈花氣
初雲際恰恰香煙欲起時清歌婉轉迴薄扇明窓縹緲
閒修眉勸君莫避酒力重對此兼於茗色宜春著爭傳
五侯宅臘酒頻仍七貴席舞衫惹麝嫌腥臄倚燭薰籠
長歎惜悅意遙供翡翠裘知恩銜報珍珠鳥笑問如何
號返魂搜寄殷勤勿懷璧狂客掀髯玳瑁筵爲憶吳公
在郡年召棠潘花並栽植珊瑚芝艸相輝聯却笑交情
歌伐木別有清操詠酌泉習靜朝調息觀心夜供禪篆
風餘麈尾獸炭引燈前鼻觀不同煙火氣贈君聊賦寶

香篇

短歌行

長歌莫挽天河水
短歌橫笛聲相倚
落花回風戀故枝
飛入芙蓉繡幃裏
飲酒還宜近婦人
莫向平原樓上曠
無情割愛乃身死
至今徒笑春申君

青樓曲

寶鏡眉新龍鼻古
粧成嘿嘿憑箏語
新晴隔水綠窓開
玻璃澡露茶薇雨
西城粉堞花離離
一雙蜻蜓銜尾飛
經季忽憶金釵客
樓上吹香曬舞衣

蓮鬢閣集卷之四

三
詩寧軒校本

過靈隱寺尋韜光院歌

竹枝節節分泉脈
一樹紅梅沈澗色
山空木落窺湖煙
壁冷松高磬聲寂
拾得仙翁白鶴翎
吹笙擬和琴心經
掀髯向天作呼吸
江湖湧月凌青冥

結交行贈陳子

十年結交等閒事
馬首如雲醉呵氣
腰下銅龍剩瘦光
鄭重看人未曾試
陳郎愛我心骨奇
眈然一目心相知
有弟少年乃英特
快哉楊孔真佳兒
我來有心不得展
徘徊鬱結紛如繭
感君此意誰復知
苦向梅風弄歌扇

錢塘浩蕩子胥潮忽如市上聞吹簫豫讓漆身詎相識
信陵飲酒何無聊噫嘻飲酒何無聊君但醉聽我歌暮
復朝侯生弊衣冠乃上坐又有漿家博徒相過時見招
佳人不笑大梁客吁嗟此後空寥寥聽我歌酒行半朝
趨市暮掉臂而散紛紛世事何足歎君不見天下歸心
吐哺公且

吳園湖上同胡小范夜飲坐中聽其家元戎敬仲與房
都護占明盛談往事

我客西湖已十載濯足往往臨高溪今季失意乃寒疾

蓮鬢閣集卷之四

三

詩雪軒校本

東書枕琴眼招提欲歸未歸天氣好買舟方上嚴灘道
湖頭詞客蘭橈過銀燭相看樹星曉漁陽老將雄酒間
吳閭美人長睂彎白眼瞳瞳向前語曾立奇功山海關
逆璫誅求意不足銀鐙夜繫血如浴黑獄沈沈竟失明
流落江南眼石屋坐中髻客復何爲狂狷曾同袁督師
令箭初飛縋城出驪裹牽來只讓騎罪案相尋連內閣
壯士何妨委溝壑煅煉嚴刑死不招督師磔肉如花落
至尊意解不深求忽蒙放出歸雲遊逍遙獨釣湖天月
舊事傷心煙霧愁煙波慘澹生前席酌酒與君望天色

英雄成敗古何常得似扁舟五湖客胡郎別我歸城中
掀髯大醉凌寒風相期更伴錢塘去千頃潮頭駕短篷
美人清歌笑回首長笛一聲折楊柳爲君舞劍復彈箏
玉腕還持一杯酒

送王子安還越兼寄梁非馨

王郎昔與梁生居邊左烽煙談笑餘梁生作書遙與我
此中乃有王郎人不如自從事潰敗罪督死王郎徒
步歸鄉里我從燕市遇梁生不語淚下如流水王郎高
才舉于鄉聲名鵲起羽翼長十季如今得一見典衣奏

蓮鬢閣集卷之四

詩雪軒校本

伎同飛觴酒酣相看意復惡爲君起舞還命酌督師失
守有恆罪是逆非逆果何苦此事君應解其故試望
沙迷海霧君來仍主督師家何以報之前途賒去逢梁
生爲問信歲荒久客安歸耶他人小恩勿煩受無乃空
作禰衡槌

認馬曲

垂楊作鞭花濺血送郎上馬出門別望郎不歸認郎馬
馬頭爲記同心結官街曉聽金鈴聲樓頭遠遠看分明
怕爲他人換將去馬是人非空復情亦愁人歸馬不見

桃花骨換梨花面馬足郎心那得憑試問銜泥紫胡燕

周蔚宗將軍鍊如意歌

將軍示我鍊如意上有河圖北斗八卦之方位下有忠
肝義膽兩行字將軍淚垂乃相示雙手擊案頭搗地此
物君知從何來故督袁公良痛哉軍中持攜不釋手將
軍帳下曾相陪驚傳□自薊門度督師馳保都門連營
城下住轉戰殺傷□王子□如斗矢如雨却別將軍
行軍中令執如意毋相從忽然督師罪以謀逆磔西市
訛言蠶起多雷同督師身碎骨無處此物獨存將軍所
會攜入閩舟覆沒覓之即得如能語英雄每訟督師冤
將軍錄書數萬言會須將軍殺□□後繪容賜券入
九閩手持如意動至尊

蓮鬚閣集卷之四

五

詩雪軒校刊本

峨眉

六月峨眉猶雪色玉樹連陰斷峰白日輪軋岫翠煙浮
輾作仙人上天陌雲女飛還巫峽下卻聽江聲似頽馬
神僧趺坐忘見聞咒伏狔龍鉢波瀾

天上樂

雙桐階影涵重臺碧淚長廊鳳淚灰枕痕暈紅酒初歇

銅鴨錦窠香氣咽夢回懸鏡疑懸月珠彩離離壁光發
椒圖閒列羽林郎刺閨待命聲中望莫向橫門待魚鑰
轟雷不入溫柔鄉

竹

窗紗煙紋破遙峰粉枝搖落花鬚紅參差濃淡天玲瓏
流泉浸聲寒影中美人停梭擲春思井闌日午簷陰翠
歸客瀟湘枕上聽茗椀桃笙酣碧醉

蓮鬚閣集卷之四

蓮鬚閣集卷之四

三

詩雪軒校本

風谷巖前林上嘉客對酒至樽皆醉

而京身覺寒涼中美人對林對春思共闌日千言到翠

窗餘數淚凝凝袖餘對林對春思共闌日千言到翠

窗餘數淚凝凝袖餘對林對春思共闌日千言到翠

窗餘數淚凝凝袖餘對林對春思共闌日千言到翠

窗餘數淚凝凝袖餘對林對春思共闌日千言到翠

窗餘數淚凝凝袖餘對林對春思共闌日千言到翠

蓮鬢閣集卷之五

明番禺黎遂球美周著

五言律詩

送李煙客出塞二首

萬里欲何之行營望將旗我正憐煙客人疑是藥師談
兵奮髯戟騎馬策楊枝爲試登樓嘯□□滿地悲
丈夫寧惜別一路笑桃花下水流嘶勁臨關怒木芽春
情違蛺蝶酒態在琵琶莫動將歸思風前有暮笳

春晚

蓮鬢閣集卷之五

詩雪軒校刊本

中歲愛春色春居無所爲讀書花落裏待客燕歸時午
寢爐煙過晴雲閣氣知新香與浮綠寒煖遞相移

俠士吟

俠士氣如虹虬髯向碧空避仇猶奉母爲虎不依龍短
劍懷中水悲歌耳後風醉來垂淚盡枉自說英雄

劍

萬人新學敵一劍自能任寶骨寒偏徹霜芒熟更侵氣
銷□□血淚點壯夫心風雨自朝夕誰知龍欲吟

鞭

有懷思祖述行著一鞭雄溼染桃花血寒披柳葉風青
山揮手帶明月影塵空萬里憐相贈同心結在中

慰梁非馨

爾明休便喪雙眼好逢人骨肉已看盡肝腸誰最親壁
將明月立門掩落花貧只當長爲客艱難剩一身

賦得彈琴看文君

男兒不得意歸向婦人憐壁映芙蓉立眉依山翠鮮于
飛欣比翼相慰慎調絃笑問諧頭白應酬買賦錢

河上送春二首

蓮鬢閣集卷之五

二
詩雪軒校刊本

水氣侵鳩悶風帆掠燕狂白看梨夢破紅變杏梢香放
舸依林遍裝雲去路長慣將春色住何意又他鄉
魯酒宜高枕齊紈擬換衣獨歸蝴蝶遠雙到鯉魚稀入
煖流漸盡餘寒嫩綠肥欲知愁幾度花向客船飛

無錫舟中偶成

過江纔幾日次第品新泉信宿山山翠餐眠事事仙香
淡花港月茶入竹橋煙覓得鐘聲寺呼童復繫船

茅店

茅店將歸夜思親夢不成子遲欣得我身壯幸爲兒捧

杖難爲別裁衣自送行所嗟寒暑異頻望塞鴻聲

送戴安仲遊楚

戴子遠行色長天漠漠秋如何洞庭水試上岳陽樓斗
酒易爲別篇詩能壯遊高堂有慈母風雨慎扁舟

送人遊西湖

八月西湖水送君隨意遊潮來虹外雨山自鏡中秋香
動逢蓮舸楊開見酒樓猶聞小海唱沈醉莫生愁

劉生

劉生稱少俠十五事遨遊射鳥趙家路吹簫秦氏樓龍

蓮鬢閣集卷之五

三

詩雪軒校刊本

媒花下馬狐腋雪中裘近佩將軍印開筵選徹侯

示兩弟

并序

先高士於板橋先京兆萋園築蓼水居欲從羊
城攜家偕隱痛未逮也遂球於壬申春日既釋
禪與仲遂璧畢婚因令偕季遂琪將庶母還居
焉遂球且奉老母留家羊城又當以公車遠出
愼先志之未成悵同生之暫分援筆爲詩示仲

季凡四首

山川繞紅蓼老父築居時爲厭世人事豪吟偕隱詩汝

今仍棣萼吾未媿荆枝到處皆萍梗終焉同聚斯
田園聊足樂之子勿多求父老世相識母妻無隱憂書
藏經句讀稻熟便耘收未必全藜藿前溪任釣舟
丹青非末稅僻尙有同情好遂成名士恆言畏後生雲
山溪借助煙鶴與經行試數諸賢達何人戀市城
送弟如嫁妹總緣無父傷承顏各養母求祿又賓王形
影三年弱綢繆疊語長祇圖百祥降不敢淚雙行

贈新寧令

美人春思淡花際坐彈琴門對海爲市田晴桑半陰高

蓮鬢閣集卷之五

四
詩雪軒校刊本

山衆云望臨水自知心莫厭栖巖棘朝鳴誰上林

金陵陳都督席上遇溫覺斯將歸五羊賦贈

金陵多上客玉帳坐同君晚翠入青靄大江流白雲歸
心愁并引醉眼望曾殷不飲將軍酒逢迎空復勤

陳都督者其尊人忠愍公死綏遼陽殊烈令弟未
明與遂球鄉舉同季比于留都相見甚歡爰贈

以詩三首

幕府尊南國新從塞上歸孤城諸將恃干嶂舊人依曉
甲開魚麗秋笳列馬肥曾看灌夫勇雙劍劃虹揮

甘載遼陽事何人尙肯言將軍能死節督撫乃云冤寵
以先臣重恩知老母存移君根本地旗幟任雲屯

王氣秦淮古留都漢殿新衣冠嚴宿衛金甲儼星巡明
月吞魚鑰長江踞虎臣高皇陵寢在符節爾殊親

夢得寶刀

生平少報恩珍重受時言憶得寶刀夢分明金鎗痕提
攜天下近作用眼中存起坐星辰動居然策大宛

美接兄從蜀中歸知刺史五叔父宦况感賦二首

吾兄蜀天至叔父尙爲官道在宦途蹇人歸行路難楚

蓮鬢閣集卷之五

五
詩雪軒校刊本

雲浮馬過峽水却船看蹭蹬經三月綈袍耐晚寒

新州當孔道賊寇震鄰過廨壁挂戎服家僮荷戰戈孤
城幸無恙別袂淚如何此後愁鴻雁陰雲燹火多

席上送戴初士分得湖字

送子與春去落花橫半塗穿雲過庾嶺先夢壓彭湖立

馬遲吳客

時俟元者同行

逢人識漢儒猶誅女兒淚囊艸剩鮫

珠

出都門贈別梁非馨

七季遼海信消息幾能眞見面或疑鬼通名猶畏人才

窮容易老病減勿憂貧勉矣千秋事毋爲達者嗔

禽徐子能

春歸客類望薄暮虎邱東高鳥不謀木落花翻舞風雨
晴山更出煙暗綠如空舒嘯還呼爾前林一水通

禽贈萬年少

聞見眼中盡愛君非小才頻乘白門興一棹黃河來勝
下英雄賤門前楚漢開却愁生更晚又手獨徘徊

過張受先茅居留贈四首

茅居對天地知子道心安惜物拾花落賦詩題葉看世

蓮鬢閣集卷之五

六 詩雪軒校本

衰違好易名重保身難悟得陰陽理兼成却病丹

五柳半人宅一經堪子傳蒼生想安石神合著臨川鶴

餓依貧骨琴心彈古絃道成同辟穀因可謝文錢

楚狂歌鳳德漢代仰龍門蘭室氣恆祕桃花笑不言鑿

流環夢處結想擬仙源往事餘經濟占雲自灌園

種魚供硯瀋留客讓書牀問影泠泠善栖心寸寸香吏

廉歸只儉童兀刺難償却累頻憐我緘題遠不忘

別李文中

花事涉寒暑綠陰新可留池晴疑雨打魚靜唳萍浮落

葉平過水遷鶯聽倚樓相將折荷葉呼我道宜秋

湖上卽事四首

水樹樓臺碧朝雲雨氣紅燕巢香乳溼漁網柳波風花
落粘遊屐荷開供酒筒斷橋峰色在先夢上高空
小港聞歌入萍開認去船辨香尋袖氣移翠刺茶煙采
藥疑歸月吹簫或上天花間齊盼望空有水雲連
蝴蝶翻蓮粉蜻蜓冒藕絲綠陰人散後紅破鳥歸時笑
拾同心帶還留比目棋隔堤聞走馬迎看席兼移

蓮鬢閣集卷之五

七

詩雪軒校刊本

艸餘書帶裁緘報錦文倘應攜並去臙粉滿松雲

何象岡老師招過邨居同歐嘉可謝伯子陳中行

家叔君選連夜讌飲賦二首

歌舞徹春宵飛花濺暮潮美人雜瓊珮公子挽蘭橈鼎
列山連席堂開畫際橋夏堪憑玉樹紅袖映吹簫
別墅談經暇山樓染翰勤上簾遲璧月流硯湧香雲縹
繞爐煙細珠添艸露紛京華懷曳履重此應星文

雨夜懷徐巨源二首

小雨秋俱入新涼透晚城簾垂隔燈影荷響聽珠聲快

引咎餘夢間關別後情懷君江海關斯夕意分明
高閣桐陰半雲浮山翠香經時枕詩卷率爾興琴張詞
賦終難敵行藏各自商兵戈自天地搔首計應長

庚辰出都二首

盜賊繞山城金鈺晝夜鳴經過逆旅舍無復控韁迎疲
馬失中食隨人逐暮程邨墟有來騎臨望互相驚

古驛石橋邊迢遙艸際天廟昏吹鬼火城曉冷人煙樂
計江南近烽訛塞北傳看花懷土興空媿祖生鞭

客潤州春餘入夏留滯官舫憶家園花事之樂作

蓮鬢閣集卷之五

詩雪軒校本

詩五首

甘季燈月影書屋記梅枝久客領髻長懷君骨格奇通

家如老友拜母復看兒高傲古心發清芬鄰舍知

梅花在蓮

鬢閣後予往寫經其下今老母於此課長雄石官讀書

登壇紛鬪豔雨後出迴廊裊裊各扶醉亭亭復洗粧風

生勻粉汗露溼散珠香花國荀陳會無教目宋牆

茶薇鄰里

多種之花時爭以絕豔者移來供予千緡萬葉香露如雨閣氣雲蒸塔色霞醉將闌移去迭爲邊換

淡林不受暑吾亦愛盆荷坐久荷香發從知暑氣多因

花爲刻漏裁葉勝輕羅一瓣如舟汎閒倡越女歌

晴眉閣在

古木間長夏尤佳每荷氣甚馥知爲他人歎酷暑時

莫是荒三徑金錢憐買鄰屏開孔雀尾檻簇玉龍鱗對坐憶尊酒療飢如八珍言從赤松子辟穀作仙人菊花時多

鄰里所貽種色奇異不一

夢留香國瑞笑得美人心入室炤明月臨文開素襟交

情傳雜佩孤調引鳴琴自託幽芳意寧煩覓賞音蘭一莖可

數十花歧上復作兩歧名了蘭種須得法晴倉閣傍爲文房闕之臨帖作畫學琴其中

南歸已渡江聞萬茂先就徵至揚州因買舟還訪

客舍與鄭超宗諸子相聚旬餘茂先賦詩見贈

蓮鬢閣集卷之五

九

詩雪軒校刊本

用韻奉會三首

江南理歸棹江北送行舟風雨五更夢煙波兩岸求裝

輕移枕席樹曲記城樓相見一垂淚非關彈蒯緱

豺狼當路立分手遠漫漫此地病中別何人意外看柳

邊蓮舸繫花下葛衣單好覓揚州夢愁緣酒力寬

君去占時泰吾歸媿士前河清如可再醉日且須千旅

食鄰膳粉笙歌到畫船竹西逢舊社相送轉相憐

會贈徐山人二首

揚州歌舞地客有蓮花冠盡惜鏡中美何如城北看江

聲松際夢峯色酒間寒一棹攜知好歸爲芋栗餐

山溪老詩骨此意幾人知白眼感珍重蒼精攜見貽鴛
湖存舊宅鶴塚續殘碑十賚文須就從君慰所師

送吳駿公之南都赴司業任

辟雍天子學禮樂起陪京帝重賓師席人推王佐名蘭
橈逢社事花月次官程到處迎官錦秋山炤酒清

送邵僧彌同駿公之金陵

載杖秋船去貴游如隱居清江看畫意碧影照琴書聲
價雙南重才名六代疎鍾山松樹古相待結精廬

蓮鬢閣集卷之五

十
詩雪軒校本

山居

山家隱鄰舍樹底有柴門望入竹林遠微聞雞狗喧晚
炊人出汲野泊艇孤昏此處無漁火清溪纔發源

將至五雲泊舟同黃獻君進士閒步劉須彌侍御

園亭時侍御官楚中因賦

柏古偏留翠梅紅若帶霜江流林外繞亭檻石間藏岸
舞雙鳴鶴門停萬里航山樓能楚望信宿亦登堂

楚客有孟元白者偶持子紅毛劍去聞其死于陳

木叔明府所詩以志感

一劍漫分手于今三四年故人嗟已矣此物空冷然倘
落英雄手寧沈寂寞川還愁負心者肝膽背燈前

理徑

荒徑憐歸客晴樓待遠林久虛宜石處私負種梅心山
色看城入牆頭過月淡一翻營向背曲折稱疎陰

二月十七日社集趙裕子雲槎同諸公賦

故人尋白社先雨到元關爲愛樓中坐能看城外山春
驚前日半晚踏落花還詩就仍相覓榕陰路一灣

賣書

蓮鬢閣集卷之五

七

詩寧軒校刊本

典衣棖不給夏賣讀殘書一笑清貧者全家爲蠹魚茶
經憑妾記仙字供親儲便勝長生藥還期脈望如

七夕觀內祠織女戲贈

如何太白婦却羨牽牛妻但得橋堪渡寧論醉似泥穿
針還乞巧織錦慣孤栖倘學回文字頻年信好題

王繼陽朱康侯同載下富春漫賦

淹旬猶共載恰可送將歸越水連吳月蘭橈出翠微引
眠尋卯酒並坐擁寒衣獨有迎潮夢鄉心各自飛

湖上倉贈方爾止

讀書當世士之子意淡澹大雅豈不作和平存好音筆
香聞桂性詩骨見蘭心海上予茲去彈琴重可尋

和劉安世園居六首

燕卽新堂乳鶯多隔水鳴鑿湖兼出石惜樹小添楹窗
預圖秋色蕉堪種雨聲沙洲亭子路鷗席故須爭
曲折經營遍吳船頻到門梅從武邱市石載洞庭村疊
壑山蟠足臨流花欲言相知詞賦客一渡記過存
蜂蝶穿籬擾蟲魚蝕砌高閉門沈杏雨開閣翦松濤林
葉明紅燭江花醞碧醪此中堪累月作記擬東皋

蓮鬢閣集之五

士
詩雪軒校刊本

長鏡宜曲柄隨意采春荅芳艸鬢邊綠垂楊沙際青溪
聲流月住山氣出雲停晚火新篁外看僧學課經

澗雲浮潦白藤霧斷崖封信步繞山曲回聞隔寺鐘詩
因題柿葉衣自補芙蓉行樂經過處溪香又幾重
烏衣原舊宅玉樹有餘歡點火分藜杖傳家笑竹冠山
人招隱便漁子認津難遲我窺鴻寶詩成卽互看

舟暮

細艸扁舟暮寒雲澹樹天漸沈橋外翠空聽石間泉廟
右門當岸邨孤屋背田象山看處斷微雨滯炊煙

蓮鬢閣集卷之五

漢餉封蕭相唐軍拜令公羊城留穗遍魚麗擁江雄楚
樹諸烽靖湖帆萬里通還期制南粵歌舞此方同

時以糧道

拈
送周孝受之闕

堦桐一葉動吹落送行舟東海月遲見西風雲并流帆
空排遠島樹色隱孤洲獨有天河近詩成問女牛

聞王子房中丞死寇志感

都城鷺峰寺憶爾隔垣看生死七年易勲勞千古難忠

蓮鬢閣集卷之五

三

詩雪軒校刊本

魂應自弔社稷信誰安涕淚遙堪寄秋墟汴水寒

喜林六長山人至得錢牧齋宗伯暨陳大士臥子

空掛

故人雙鯉字仍作蠟書看畫閣滿江上蘭橈行日難感

君勤跋涉慰我報平安况有奚囊句燈前炤肺肝

蓮鬢閣集卷之五

蓮鬢閣集卷之六

明番禺黎遂球美周著

五言排律詩

潘芝林繇杭州參軍遷荔波令荔波子從父舊治

因君蓮幕美笑此竹林賢舊政多山水新栖勞鳳鸞官
租從剖斗蠻市不論錢喜樂情相告文書譯始宣賞知
縹緲線辱豈示蒲鞭禮數裙盤地言談手畫天行春羣
勸飲導駕婦爭前頒歷寧看日栽花好記年標枝還野
鹿寄跡儼神仙教化應如蜀清廉和酌泉明朝列循吏
於此見相傳

蓮鬢閣集卷之六

一
詩雪軒校刊本

東臯同諸先生上人社集分賦得素馨花燈

皎絕美人心劉王不解尋苑芳經燹燒艸冷耐螢侵映

遂仙藜彩輝生夢筆吟珠探玉龍領鏡隱翠娥襟瑞霞

簾紋積祥霞日氣淡蝶來情倍熱蛾趁燄能任法雨懸

禪觀天衣覆寶林蓮開瓔珞座香靜佩環音舍利銜珍

烏瑤華集素禽榆芒寒簇雪桂粟夜明金豔瓊玲瓏骨

神傳巧妙針綃巾彈淚結蘭唾御風臨醉失秦宮曉光

堪魏乘參倚窗看贈帶拂幙掛遺簪旭透冰凝碎梨晴
夢半沈口脂晶帳影錢尾雀屏森賦客星占聚高僧理
可欽空花與二月懷古復憐今

蓮鬢閣集卷之六

蓮鬢閣集卷之六

二
詩雪軒校刊本

蓮鬢閣集卷之六

蓮鬢閣集卷之六

蓮鬢閣集卷之六

蓮鬢閣集卷之七

明番馬黎遂球美周著

七言律詩

新年喜陳喬生見過

風雨新年茗氣和，瓶花淡護待人過。
樓隨柳色看鄰遠，坐卽桃笙擁袂多。
禪案有情憑筆墨，名流何事不江河。
長齋擬學黃庭帖，到處臨池好贖鵝。

嬉春曲戲效香奩體四首

醉國新除錄事銜，又憑鸚鵡作花監。
逋觴那敢搖香片，蓮鬢閣集卷之七

一
詩雪軒校刊本

進酒從他濺汗衫，蜨過捉教臨席舞。
燕來充作賽香喃，松箋檄得憐芳伴。
別向燈前發幾函。

暗接脂脣酒共甜，月明長恨捲珠簾。
香浮捧硯雙雲娜，花染擘箏十指尖。
柳帶贈詩情自結，梨魂如夢醉同淹。
宜人賴有微微霧，避入深叢過短簷。

渡頭桃葉笑歌還，半搗腰圍杏色慳。
鴝鵒對爲癡絕舞，鴛鴦長得夢中間。
書空裊裊晴絲挂，旋頰融融熱暈頰。
眉黛可容春幾許，滿堤圖畫譜青山。

輓紅團砌日和南，爲祝行雲結小菴。
鬪豔豈容遭妒女

逢仙剛又選童男青衣倍稱騎羊戲玉管生憐駕鳳堪
願與花神乞延壽共將垂鬢續春三
題謝伯子花城
一城如彈綠苔環可有鶯雛爲抱關落葉自成紅字押
歲麩不假皂衣頰閒看酒政侵花事敵作棋圍戰竹間
笑我卻如催權使醉來時折一枝還

戊辰長安感述七首

嗟噫三殿出天中繫玉橫金盡賜功豈識鳳儀先有瑞
實爲龍種兆真雄璽符合正崇高位杼軸隨寬大小東
蓮鬢閣集卷之七

詩雪軒校刊本

節儉漢文差可擬安劉誰與勃平同

千門花動紫駟嘶日見夔龍度玉堤講幄每親雞舌貴
禁庭時詔鷺班齊詞臣豈尙凌雲賦聖王嘗探二酉題
著論卻憐曾藉獻姓名慚愧御屏西

爰書新布盛都門往事于今漸敢言投閣大夫朱紫富
勒碑僚屬姓名尊猴冠盡拜妖狐焰鯁骨多蒙吃狗痕
斧鉞未膏蘿已掃聖朝眞信有餘恩

枯楊猶憶驟生花奉聖夫人擅內家鍊冶易成開國券
玉容都恨守官砂呼鷹敢擊將雛鳳騎馬歸隨帶日鴉

從說昭陽恩寵盛不堪流淚盡天涯

盈庭諸論慣相持曲直三朝未可知譏刺互操南史筆
織羅偏入黨人碑焚香喜見新枚卜振翰應懷舊羽儀
近日正資謀野畫願捐成見荅清時

燕市誰言俠烈多綠楊橋畔只鳴珂會聞芥室羣稱頌
不見屠門醉和歌所賴腐儒能赴鼎卽看神武立還阿
傷心莫嘆先朝事寂寂寒蟬意爲何

口口征戍惱頻年金粟輸來盡賜邊關塞坐令貂虎踞

口口寧禁口口連聽鼙又見思良將授鉞終期縛口口

蓮鬢閣集卷之七

三
詩雪軒校本

閫內已看無掣肘驃驍應誓掃口口

官河

官河春柳綠參差客子經行日復遲
煙冷未添榆木火日晴空到杏花時
胡琴欲買愁囊澀戍笛閒聽耐舸移
筆硯半封塵待掃漫憑歸雁譜新詩

詠杏花

北地臙脂破遠天朦朧難護是層煙
朝雲過雨醉留夢春色酣丹興欲仙
路有錦衣人傷美節當寒食火偏然

邨南郭北須憑記無限高樓燕語邊

賦得石榴子

猩裙何處裂殘霞
淚積紅冰玉有瑕
脂暈半明編貝齒
臂寒初褪守官砂
歌來鸚鵡餐珠顆
碎盡珊瑚鬪石家
莫嘆成陰倍惆悵
量教十斛買芳華

天土湖二首

五月西湖到亦宜
于家斜日雨過時
青楊影蕩鴛鴦起
黃杏衣涼蛺蝶吹
四面塢燈聞梵語
六橋歌扇動花枝
關情最是蘇堤莫
載得明霞入舸移

蓮鬢閣集卷之七

四

詩雪軒校本

山山雲掩上方鐘
和煙看去疑紗隔
潑水圖來怕墨濃
獨有勝情應任得
開囊收盡作詩供

戊辰生日宿凌江上藥上人禪房七夕前二夜也
匹馬梅關歸獨遲
經行隨處有僧知
人間作客頻添歲
天上牽牛又報期
投宿滿分供佛飯
染雲頻寫畫禪詩
還因夜雨秋江水
坐遍松房話別離

題寶安尹冲元先生蕩雲航

烏鵲橋頭錦纜牽
女牛求渡不論錢
林中自捲秋霞幔
天上渾如春水船
滿載欲偷懸圃藥
長歌堪采華峯蓮

急催沽酒需金粟更泊姮娥桂樹邊

席上賦得綠鸚鵡同錢牧齋宗伯

曉鬢鉤簾裏外看巫雲將雨喚留歡竹枝乍按鬆喉合
艸色渾宜比翼觀寶鏡紗廚烟對語碧簫羅袖翠俱寒
相思莫更書桐葉字字撩人豔不乾

舟泊章門寄題萬茂先漑園

老鶴如童直短垣長時花落滿苔痕杯間耳熱猶看劍
竹下衫寒獨掩門每共孤雲過藥澗忽同狂嘯落烟村
傍人已識南陽業吾道還推抱膝尊

蓮鬢閣集卷之七

五

詩雪軒校刊本

自淮揚舟還竹圃李文中邀同陳大士楊維斗艾
千子顧孝侯吳次尾諸子酌牡丹花前拈得嬌

字

不住揚州聽玉簫相思連夜汎江湖幾多花落幾多雨
廿四風來廿四橋下水只愁千片盡待人還見一叢嬌
自今繫艇頻沈醉趁值晴林晚步遙

李仲木喜余下第南還賦詩載酒相賀卽席述會

因柬劉公旦用公旦送余北上韻

江天歸去得三餘南面差饒萬卷書豈有銀魚破窳寂

幸無璫虎拜升除鞭垂泰岳羣青末袖拂蘇臺萬緣初
珍重文心報劉子此時吾在李君車

虎邱避暑會贈周仲馭張天如用仲馭贈余原韻
廿年絃頌識羔羊休沐逢君在柳塘避暑一窗分午綠
佳期雙槳待昏黃煙光淺澹真娘墓花態溫柔俠客鄉
莫倚吳音成楚調雞鳴風雨夜深望

兩夜同張受先坐王與游舟中話別再用仲馭前

韻共賦

王書不買盡收羊寫葉題詩落半塘一片錦光猶地白

蓮鬚閣集卷之七

六 詩雪軒校刊本

十年花樣變流黃談仙爾共山人載作客吾歸荔子鄉
從此夢邊來往熟玉峯梅嶺雨中望
受先送余至虎邱與游載還玉峯受

先學道自稱山人 同遊受先坐王與游舟中話別再用仲馭前

倉別葉聖野用來韻

遠道行宜夏日長不辭當暑就炎方家貧易起秋閨怨
母在驚聞早稼荒湖上故人攜手遍日邊高鳥引帆翔
尊前別後論生事橘柚千頭海外鄉

蘇州

一束松箋報未齊詩筒臨發又兼檣舟移紺寺逢僧送

酒却紅兒剩鳥啼素影自憐鷗汎汎單衫頻映草萋萋
佳期尙待平分去十日錢塘路向西

喻京孟招同萬茂先徐巨源集三洲亭

茗椀詩筒蘸碧煙城中湖水却浮天闌荷小閣香生硯
垂柳橫門帶繫船秋思幾家流淺月雲情千頃付長年
看君正有新機錦訝是明河便可前

湖上會贈朱子莊進士

杏花簪罷折楊枝年少仙郎得意時借問上官遙點筆
何如西子對描眉新看寺院籠紗句舊覓旗亭進酒詩

蓮鬢閣集卷之七

七
詩雪軒校刊本

便合與君羸一醉錦袍應與莫教遲

吳靜腑席上偕侯赤社晤方爾止

烽火徵兵望將旗可憐吾黨但論時滿堂客爲侯生贊
五字城憑方叔師酒半斷橋攜燭至雪中枯柳認舟移
嬌歌妙舞江南樂只是聞雞醉復悲

鄧元度先生招飲鏡園留贈

種樹爲漁亦幾年小橋層屋盡如船堦前水至流紅蘂
樓外雲開見綠煙桐井葉鳴童自掃竹林香靜鳥溪眠
當杯儼坐蓬瀛上乞得元經擬學仙

贈李伯熙先生

每從庭下學言詩相見曾憐覓棗梨四海幾容君涕淚
十年空長我鬢眉青門地愛平侯隱黃石書應孺子知
莫信名山藏副墨滄桑何事不堪疑

送盧公子詣闕請其先大夫郵典

尊酒歌驪慷慨餘送君行矣曳長裾愁磨口血先臣劍
淚乞皇恩孝子書花下紫騮三月路日邊丹鳳五雲居
思鄉莫易頻回首風雨麒麟臥草廬

過端州七星巖留題

蓮鬚閣集卷之七

八
詩雪軒校本

石殿玲瓏翠滿窗仙人都在水雲邦湖光北繞通諸洞
峽勢東回束大江徑接丹梯成複道影涵金榜動飛幢
腥風晝擁桃花雨坐對龍歸試學降

春居雜詩二首

新築娉嬛綠水頭較如長日繫扁舟輕風著幌斜吹纈
淺月當簷互上鈎修道幾回成薄倖閒情聊得破窮愁
齋錢儉省餘文價亦買名花種藥洲

居近東門亦種瓜亭臺遙借五侯家護堂愛繞宜男艸

桃樹開成結子花鄉夢幾年遲蛺蝶江風隨處聽琵琶

頻歸趁及尋巢燕遮莫人看羽翼加

贈歐子建先生六十初度二首

千秋原在許誰分豈謂龍頭未致雲南阮客來頻典褐
北山人去解移文身長廩量侏儒粟膝下蘭生駮駢筋
四十萬言知已誦漢門金馬倘相聞

君年三十我生時三十年來事事知張耳有金嘗結客
孔融當坐可呼兒儒冠漸腐囊因澁文價終昂貨莫欺
十分百年纔過六且憑歡伯未須疑

初秋客婁東同張天如孫孟樸邵僧彌集吳駿公

蓮鬢閣集卷之七

九

詩雪軒校刊本

齋中卽席賦

玉軸桃笙入薜蘿湘簾垂燭漾涼波清江桂棹纔相望
白石桐窗快共過詩渴莫愁沽酒盡賦成爭羨買金多
淡宵淺露勻花氣月上還堪醉踏歌

借讀虎邱仰蘇樓

一回郵舍一僧寮更望雙林喜待邀爲有石樓臨澗影
便移書舫上山橋煙中樹色層城墦月下江風半榻簾
却識故人來望裏玉壺歌板送蘭橈

臘月十八日登泰山絕頂作

玉冊金函識古初丹霄黃道永峩峩吹噓日月搖東海
吐納崑崙接大河青帝駕臨佳氣動素王居近喬雲多
憐子正在吳門至試望還誰匹練過

出都門別黃虞公

杜宇聲催復鷓鴣臨歧寧惜酒頻呼城東老母難知佛
塞北佳人易嫁胡信有明珠迎按劍漫因紅粉笑當壚
年年陌上頻相見只恐羅家別有夫

至武林嚴印持子岸喬梓見招聞子將從山中特

至羅文止乍病不赴予復以曹木上錢殷求繆

蓮鬢閣集卷之七

十
詩雪軒校刊本

湘芷三子邀向湖上不得往因寄以詩并懷同

集沈崑銅張天生馮千秋諸子

水國風煙樂亦蒼尊前青眼望還賒樓人十錦橋如帶
傍社雙飛燕隔花欲寄濤聲供几席倍因天際想琵琶
佳期聚散非容易但報荷筒草雁霞

聞子將有湖上打船之議啟事與聞卽報以詩

笑把荷珠願買鄰飄零子亦託聞身魚能寄字收爲使
客有如仙許共親四壁畫圖開石丈百城行部署波臣
春來又泛桃花水肯向明時說避秦

煙柳色二首蘇美人散髮對鏡芙蓉水鏡

新水浮萍漲遠天橫塘迢遞更如煙珠簾細雨重重閣
錦纜柔風澹澹船似貫荷錢拖萬選未分榆火暗三眠
春歸到處堪長在淨掃殘紅漢殿前
送客誰言遠道難行行猶似別時看陽關夢冷杯間雨
朔塞聲沈笛半寒肘後印垂金篆古營前旗整繡雕殘
驂騑一路馳鞭影霜下纔驚汗血丹

還過章江徐巨源邀往榆溪艸堂留題四首

相期真不負行藏別後支離問錦囊三徑尙緣開柳色

蓮鬢閣集卷之七

十一
詩雪軒校刊本

百城環臥鎖荷香花奴進酒攜檀板木客聽詩入竹廊
向晚幾回漁火亂爲連銀燭劍鋒光

綠滿前湖散作灣書堂秋色澹濃間牆頭倒影疎搖水
屋角如圖待補山橋斷隔墩成古洞枝橫淡樹儼重關
鄰家共識經旬客散髮扶筇任往還

江樹連雲到遠峰不知湖外有城封龍吟每和攤書幌
鳥下頻窺搗墨春逸世祇應師孺子傍人遙認對林宗
秋花晚實餐無盡白飯青蔬也累供

秋士涼帷惜並肩美人邢尹復相憐芙蓉水殿看鄰舍

榆影螢燈炤立眠仙井汲雲間洗藥溪香流袂晚侵燿
年來知己差堪足寫葉何心與客傳

寓巨源溪堂萬茂先從漑園至用韻舍贈二首

揚子江頭蜀嶺東姓名前後與君同佳期此日能虛席
好月宜秋未上弓芳艸滿庭侵鬢綠曲闌遙影炤湖紅
風流勝事留千古恰擬孤山信棹通

踏月吹簫寄所思元君仙隱我能師從來楊柳玲瓏句
得似桃花穆滿詞白石古亭雙屐錯碧雲秋水一舟維

夫君已是金門骨三兩人閒更值斯

堂近魏元君亭子

蓮鬢閣集卷之七

七

詩雪軒校本

小春同家君選叔謝伯子陳中行海上汎舟赴香
山相公之招分賦得真字

煙雨空濛屬小春海天蓬島未迷津星文漸欲依東井
斗柄回看動北辰花岸近緣楊柳帶酒家遙認木蘭身
誰知此夕松風閣延佇當年選夢人

三月三日同諸公社集南園禳祓卽席限韻

如此臨文共可傳氣清應信永和年流觴接席憑虛檻
曲水依城繫畫船晴散煖香花作雨節當寒食柳如煙
誰言禳事蘭亭勝得似明粧醉謫仙

閏元旦同張天如賦
柏葉何曾換酒帘鳳釵雙整鬪香奩重元共識重光兆
一月渾疑一歲添笑折林花充綵勝將邀社燕入珠簾
辛盤自覺穠華倍不負書雲太史占
閏元宵同天如賦
新月重圓雪正消絳桃銀樹巧相邀留歡卻惜雞籌蚤
入睽偏宜鳳管調蠟燭似傳寒食節綵燈元是落花朝
朱英豔藥同無恙報取春光二百宵

春試後姜如須見過賦贈

蓮鬢閣集卷之七

三

詩雪軒校本

苑西禪寺閣重重篋有儒書遠近宗香噴玉河朝蘸筆
月迴金闕夜吟鐘題門字幾疑凡鳥懷刺名應辨一龍
同值堯閏正後賦成何以頌乾封

東萬年少

虎邱明月記詩筒鳳闕芳塵西復東垂柳色連堤艸綠
落花流積御香紅鶯聲喚友題詩遍蝶夢還家貰酒中
蚤晚玉堂猶獻賦陽春如和喜君同
蘇東都門三月三日李灌谿老師招同顧端木陸起頑

徐孟博簡伯葵集雙河菴卽席贈起頑

予將南還

漢廷前席尙相求燕市狂歌半倦遊馬上新傳陸生語
龍門慚附李膺舟香塵綺月三千里弱柳嬌鶯十二樓
回首自憐消渴甚羨君誦唱動皇州

河上懷徐巨源

黃河日落繞天長風起雲飛舊戰場野店短衣眠亂艸
戍樓橫笛向垂楊千盤未覺羊腸苦一醉頻傾馬乳香
更欲與君同仗劍和吟新句坐流觴

揚州同諸公社集鄭超宗影園卽席詠黃牡丹十

首

蓮鬢閣集卷之七

古

詩雪軒校本

一朵巫雲夜色祥三千叢裏認君王月華蘸露扶仙掌
粉汗更衣染御香舞傍錦屏紛孔雀睡搖金鎖對鴛鴦
何人見夢矜男寵獨立應憐國后粧

宮額亭亭廿四橋披離新柳弄春朝柘枝柏待鶯喉
啣杏子衫勻蝶翅消酒半倚闌浮琥珀風前騎鶴聽笙簫
姮娥桂殿堪同伴貯豔頻勞覓阿嬌

寵詔封泥第一枝賜袍簾外拜恩時春風律應清平調
夜雨香留絕妙詞天上有機遙織譜河陽無影望連漪

金疊玉瓚須攜醉任是蜂狂總未知

誰買長門作賦才守宮砂盡故徘徊燕銜落葉成金屋
鳳蝕殘釵化寶胎三月繁華春夢熟六朝芳艸暮霞堆
上尊合賜詞臣閣邀賞還宜八駿來

梳子同心綴纈斜融融宵露溼塗鴉潘郎傍暑移新省
姚女明粧見舊家解佩臨風疑橘柚鬱輪凝碧怨琵琶
微瑕莫笑閒情賦錯認秋容詠菊花

掖庭昏靄怨春歸疊帕匡牀悵望稀窺浴轉愁金炤眼
割盟須記赭留衣梳成墮馬泥拖障夢破微蘭粉較肥
誰借橘媒生羽翼可能鴻鵠似高飛

蓮鬢閣集卷之七

五

詩雪軒校刊本

花陣縱橫紫翠重木蘭金甲繡盤龍團圓月炤蓮心苦
廿四風圍柳帶鬆涿鹿戰場雲結幟穀城兵法怒蟠胸
嬌嬈亦有王侯骨一笑功成學赤松
誰寫春容出塞看胡沙漠漠炤衿寒扶來更學靈妃步
睡起羞爲道士冠瑣骨傳燈開五葉鞠衣持繭獻三盤
相思莫誤朱成碧燭淚盈盈蠟暈乾
憔悴西風夢不成娉婷相見在春城歡場九錫傳花瑞
隱語雙文贈烏名寶鏡背懸交吐噉索鈴初護盡無聲
看多怕有香塵土出浴依然媚晚晴

天寶何因便改元，尙憐芳影祕泉溫。不聞金鑑留丞相，多怨玉環蒙至尊。朱紫故宜當日賤，衣裳能得幾時恩。揚州芍藥看前事，功業綸扉並爾存。

姜如須花燭詞和萬茂先韻

遙夜吹簫聽鳳來，燭花頻翦漏頻催。簾垂竹閣禁行立，香撲梅廊望繞迴。玉燕舞煙釵翠裊，金龍盤月鏡雲堆。何煩渡口歌桃葉，家傍紅闌柳浪隈。

哭萬茂先

夢入揚州萬古春，胸無宿物只精神。丈夫不死女兒手，

蓮鬢閣集卷之七

七

詩雪軒校刊本

骨肉何如朋友親，遺艸茂陵書待獻。遊囊昌谷字全珍，江南江北纔相送。况是長辭愁殺人。

同顧修遠訪周仲馭焦山留宿時以茂先遺書爲

乞誌銘

葦葭秋色到蘭橈，石榻松風夢玉霄。鐘外月明京口寺，枕邊雷送海門潮。居山隱士留名姓，瘞鶴仙人去寂寥。不負題碑惟有道，對君懷古淚同飄。

湖上漫吟

小泊蓮船到寺檐，獸爐煙裊睡情慊。清秋巖壑遙飛練，

細雨樓臺互捲簾
千日醉醒憑酒盞
百年歡笑倩香奩
閒來學得安心訣
禪案全於綺語拈

小因于禪師詩
偕峨眉僧過羅大夫季作讀其新詩

芳艸街頭繞曲池
行吟堪與大夫期
黃金世變餘情種
白髮春閒映色絲
奉佛捲簾留燕乳
延僧隱几話峨眉
塵緣盡付花間雨
收拾殘香入酒卮

黃龍詠木棉花

煙雨天南睡海棠
燭龍移得照紅粧
越王夜燕留千炬
織女春寒待七襄
絳影未消瑯島雪
蒼枝偏老石門霜

蓮鬢閣集卷之七

七

詩雪軒校刊本

君看荔苑同移植
多少奇材勝豫章

夜過王子安寺樓令子茂遠從山陰至率贈

黃絹新題處處傳
紅綾一幅奪時賢
桂枝總羨趨庭日
芍藥誰如作賦年
捧杖正懷湖上寺
開樽俄到雪中船

燈前起舞拌沈醉
老我風塵待著鞭

茂遠新領鄉薦

憶弟

子兩弟俱喜讀書不習舉子業非省老母不入城

兩弟逍遙蓼水居
松枝煮飯摘園蔬
橋橫白板春流活

花發紅闌午睡餘
祇爲省親浮遠棹
不因干祿讀藏書

安貧未媿先高士
待甯藤蘿共結廬

龍舟次韻寒食詩對時與可韻
曲曲雲巒看不同，煙波層折斷崖通。山光近變垂楊綠，
杏色遙連返照紅。永日挂帆過水驛，何人吹笛隔江風。
汀洲到處爲鄰舍，半在漁家半落鴻。

題賢女祠

并序

蘇東坡詩

南康縣外二十里許有劉氏女少而慧，父母初
以許蔡無故絕蔡而許吳，吳亡又以許蔡女曰
吾一身三許，何顏登人門戶，投潭水而死。鄉社
立賢女祠，至今存。予近聞有某公客者，公爲時
蓮鬢閣集卷之七

詩雪軒校刊本

相所中趣去而附相傾公比相敗仍歸公公爲
予言癸未正月晦舟上南康因作此詩
春雨春風薜荔牆，一祠燈火數家鄉。松崖樹古碑重勒，
梅嶺花流水較香。豈伴靈妃彈寶瑟，猶憐野老祭椒漿。
經過故是鬚眉輩，影落寒潭好自商。

小溪

蘇東坡詩

雨後聽泉活活多，山山如畫炤晴波。青苔古磴眠黃犢，
綠水人邨泛白鵝。孤枕午酣餘小簟，單衫春煖試輕羅。
歸舟日逐還家夢，偏傍桃堤柳浪過。

聞鷓鴣

亂竹蒙茸水帝祠行時不喚喚歸時陰雲斷峽流千尺
急雨孤篷燠萬枝半載鯉魚頻失信連天芳艸不相思
何如飛過黃茅嶺啼與高樓少婦知

劉安世惠予垂絲海棠一株從皆園載歸栽於晴

巖閣前賦詩爲謝王

庾嶺經過豔影紅折梅人去未全空玉環乍起流蘇帳
金屋堪憐扶荔宮鶯語似因傳夜夢客遊差不負春風
他年共憶劉郎信燒燭頻看雨幔中

蓮鬢閣集卷之七

九

詩雪軒校本

金屋山農子雲諸淨侶過集

淨侶東鄰近往還迎人老鶴護禪關臨池小閣看如舫
渡水長橋坐對山似倚法王裘馬氣猶嫌長者布金慳
誰能及第心空比寶座玲瓏芳樹間

同賦甲申聞雁

今年聞雁倍傷情禾黍悲風想舊京
嚙雪總羞持節使渡河誰進
兵稻梁不復當時飽砧杵空留月下聲



謝伯子爲長公奕修納婦卽赴鄖陽任詩以送之
鳳樓宵映謝毛豐鳧朝飛葉縣風爲邑却應如好婦
高堂難得似癡翁鄖陽易建汾陽業棠樹何殊寶樹叢
此去只須勤報國膝邊人與子儀同

蓮鬢閣集卷之七

蓮鬢閣集卷之七

三
詩雪軒校本

蓮鬢閣集卷之七

此去只須勤報國膝邊人與子儀同

高堂難得似癡翁鄖陽易建汾陽業棠樹何殊寶樹叢

鳳樓宵映謝毛豐鳧朝飛葉縣風爲邑却應如好婦

此去只須勤報國膝邊人與子儀同

蓮鬢閣集卷之八

明番禺黎遂球美周著

七言排律詩

送何象岡太史還朝

時天啓丙寅

彤雲翹首是承明，迢遞長安事遠征。
客裏數椽疎放臘，禁中千柳待舒晴。
商宗夢帝欣逢說，漢室安劉定相平。
入座正嘑何次道，登瀛新挾董雙成。
雞林鬻去香山句，鳳藻賡來柏殿聲。
萬姓只今看捧月中朝，端此賴調羹。
已知開閣平津盛，徒愧通家北海名。
遂以過庭勞綬頰，

蓮鬢閣集卷之八

一
詩雪軒校本

翻從祖帳戀交情，銀魚捧別餘煙墅。
銅狄摩空想玉京，一曲驪歌天萬里。
蓬萊高隔五僊城。

至南都呈大宗伯李小灣先生

宗伯序先高士詩

四朝著望重綸絲，天上元杓帝者師。
南國化行周禮樂，西京咸肅漢威儀。
河圖顧自先皇命，魚藻賡深聖主知。
豈止文章雄八代，更隆聲望拜諸彝。
三台輔弼方虛左，五百夔龍正及期。
分陝召公書並著，賚形商佐夢恭思。
龍門盡仰知名士，鯉對曾看歷齒兒。
感激延陵猶掛劍，將無有道媿題碑。
問牛調燮逢茲日，舐犢恩情念昔時。

賦比枚臯徒率爾序慚王勃悵何之雕蟲幾度愁鉛槧
附驥差應致漢達北海通家寧敢擬西山聊賦有臺詩
重 禹峽山中人朱叔子玉笑堂成人來索詩書云玉
泉 笑之義不求甚解然予作詩正不必此詩真足
相當也率爾報之二十韻

白石行歌自可思惟君玉笑我能知天高有客投壺過
月冷何人捉麈宜騎鶴吹笙調子晉投瓜曳鳥戲安期
棗心喜躍初輪夢山色玲瓏互放眉環繫峽俱聊破涕
霜侵木客跳吟詩將因鳳叫彈瑤瑟絕勝塵來擘荔枝

蓮鬢閣集卷之八

二

詩雪軒校刊本

佩有香蘭絃語細爐供兔藥杵聲遲露桃勻碧低慙臉
墨藥含毫盡解頤洞裏素書傳舞劍堦前屐齒折觀棋
寧如罷席喚雙斗可有占瓊掛一絲蛟斷過河心亦壯
龍獬濺血膽雖奇畊藍盡是傷三別被褐何妨慰五噫
萬卷築城訓什襲三珠爲樹亞參差溪雲學水敲冰聽
泉眼流波入茗嬉瑑卻媧天娛老態雕成郢雪快吟姿
暈籠銀燭銷煙淚疊珣珣未粉疲好下晶簾媒蛺蝶
豈如曇鉢吠琉璃象王定與拈花會下士何勞刻葉疑
莫逆相看攻石意往來珍重過溪時絨書偶亦堪瑤報

或稱磨圭三復詩

渡江有述

花柳東南映別筵
江濤飄撼渡頭船
霄高往見雲摩水
地坼功憐木濟川
飛鳥欲歸停島樹
神魚將起噴波煙
二儀象閣分吳野
八卦風雄近楚天
潮汐互吞時候轉
陰晴中漏雨暘穿
千層激浪俄喧號
一瀉湍洄忽沸漩
山立作門排闥過
寺浮如艦與鐘懸
回看乍覺人聲斷
逆渡猶吹帆影前
土俗頓殊城兩岸
晨炊隔望渺重淵
中原此去愁多事
櫪馬頻嘶又著鞭

蓮鬢閣集卷之八

三
詩雪軒校刊本

蓮鬢閣集卷之八

蓮鬢閣集卷之九

五言絕句詩 附擬古樂府 番禹黎遂球美周著

寒下曲

塵動起秋風燈黃夜帳中不寐磨長劍明朝第一功

烏夜啼二首

門前一樹烏雙雙背背啼雙栖尙自啼不顧兒郎妻

儂歌烏夜啼郎行白馬蹏白頸不如烏白頭當自歸

子夜歌

蓮鬢閣集卷之九

一 詩雪軒校本

狂風滅燭光房櫳映飛雪解衣莫畏寒見儂情自熱

湖頭采蓮曲 湘水白雲烟白雲不吹白頭當自歸

古別離曲首

淚珠若可穿串成千萬尺繫足送郎行縛郎回與妾

懊惱歌三首

歡初戀儂時夜夜門前立今日歡棄儂對人不敢泣

開門認歡船行前笑相語春風打布帆回頭下灘去

打散雙鴛鴦莫與歡儂似不似歡去時歡來便如此

古意

用髮織郎衣縱橫繫胸腹縛不得人心千絲那能足

題陳順虎東臯二首

秋光濯鬚眉春翠浮杯酒况復揮麈談玉柄如人手
清

堂

曾眠寶帶橋醉弄太湖月今日坐長虹清寒徹毛髮
帶

橋

何龍甫姨兄邨莊作

十畝平田上烟橫淺綠寒落花隨雨換雛蝶試風難

蓮鬚閣集卷之九

二

詩雪軒校本

十竹園游宴詩六首并序

竹圃在閭門內桃花塢上予師侍御李公別業

也予以丙子臘月重過公已奉召入都尊人藩

伯如穀公命予寓焉於是與劉先生元聲顧子

孝侯周子子潔藩伯公子仲木侍御公子文中

為飲射弈騎之樂園有樓臺池榭怪石為山複

疊成洞珍禽良馬散處各涯名花異卉繼時而

發臘梅水仙之屬香滿屏檻藩伯公愛予呼絕

代才子特為選歌人侑觴絲肉之音繚繞中夜

予醉或據鞍一躍驅騁階下疾如飛鳥諸子或
從而馳焉仲木爲之擊鼓狂呼燭光滿天聲震
城隅時適中丞張公開府作鎮頃故有國士之
遇予人則長揖軍中歌孝友之詩出必縱飲花
下窮斗石之量顧子語予蓋共爲詩紀之子則
以僭分越禮故小子所誠憐才汎愛彰巨公之
賢顧予何人抑亦俯仰古今不無懷慨夫龍門
牛炙自昔榮之乃若曳尾表尙斷羽思免則王
粲之登樓禰衡之擊鼓均何取焉聊以述遇用

蓮鬢閣集卷之九

三
詩雪軒校刊本

宣之乎短章

選得金釵客屏風引碧闌翱翔三十六曲曲映雙鸞
騰鞭金埒抹注矢綠埃涓亭上歌聲遠飛還鳴角絃
香廚臨竹港易損牡丹芽卻渡蘭橈過檀槽滴落花
春氣生堦艸輕寒破臘梅捲簾娛瑞雪公子正多才
歌伎懸燈引材官導馬歸更移花下席取次換寒衣
棋枰圍屐齒酒態弄貂裘記取荊州客人人萬戶侯

頃讀書虎邱仰蘇樓一夜爲龍雨所拔因與某上

人創而新之文湛持相公爲題曰來賢堂茲隔

歲重來上人復增建諸精舍偶拔筆各題三十

字五首

客去山花落客來山鳥飛簾內香如線山僧雲補衣來賢

堂

江南曲

野艇居非水離釣釣新月圓時作雪看雪際雲波汨雪艇

石級上山堂梧桐蔭曲廊朱闌圍碧牖曲曲墀燈光玲瓏

棧

白馬看如練蘇臺故是臺西施當日醉飛向掌中來小吳

廊

蓮鬚閣集卷之九

四

詩雪軒校刊本

綺羅香十里歌管占千人別有松窗寂山僧放小春放

白燕艷歌行寄兩弟吳

可憐同巢燕孤飛向春殿不若銜花歸尋巢得相見

古劍行吳

我有殊方劍尋常把贈人丈夫空手立猶自足謀身

江南曲

江南二三月花柳映山青送君江北去艸綠到長亭

飲馬長城窟

飲馬長城窟城下多腥血戰渴口沫乾人銜一片雪

上陽白髮人

本自緣殊色蒙恩入上陽君王不相見綠鬢已侵霜

紫谿翁歌

坐下紫谿翁囊懸古銅鏡醉後向人談松枝作塵柄

題畫

英州夢米老玉山逢大癡堂成當信宿為寫澹煙時

蓮鬢閣集卷之九

蓮鬢閣集卷之九

五

詩雪軒校刊本

蓮鬢閣集卷之九

英州府故小

英州府故小

英州府故小

英州府故小

英州府故小

英州府故小

英州府故小

英州府故小

英州府故小

蓮鬚閣集卷之十

明番禺黎遂球美周著

七言絕句詩

陳將軍征山寇凱歌二首

殺氣腥橫月不光
暗燐風點亂星芒
中宵獻馘連催騎
峒裏新擒白面郎

溪水潺湲和凱歌
健兒閒自舞雕戈
將軍殺賊如圍獵
玉帳前頭醉叵羅

昭君怨二首

蓮鬚閣集卷之十

詩雪軒校刊本

衰艸胡沙漠漠秋
黃河南入漢家流
佳人莫怨丹青誤
寫出麒麟萬戶侯

馬上琵琶恨轉濃
恩情猶自勝深宮
他家待買長門賦
不爲無金與畫工

刪梅二首

望去嘗教見鶴過
疎枝臨影稱晴波
宋元畫筆濃輸澹
班馬文章少勝多

老幹斜披數點香
便移頑石亞欹長
蓬頭自是山人婦
不可無幃借薜裳

春園八首

兩餘春水綠平添
一夜梨花帶曉殘
更嫌風惡甚
小亭東角下雙簾

蝶雛初褪綠香胎
便學尋花隔院來
斜過短牆飛不住

又隨紅藥浪畝回

青苔如抹笋芽肥
點徑殘紅作地衣
竹岸水闌閒一立

繞人雙燕傍晴歸

風歛窗紙似鳴絃
小小楊枝舞外邊
向午短衫羸一枕

竹門深窅閉香眠

蓮鬢閣集卷之十

二

詩雪軒校本

不禁風竹刺茅居
截去長枝學釣魚
閒與鷺鷥相對坐
磯頭看盡種花書

木棉花似海棠鮮
和雨和雲睡半天
寒食過時紛自下

滿城都不解相憐

新種荷根滿尺強
未須裁葉作衣裳
金鞍年少初相過

折得如杯當羽觴

白玉兒郎一十三
海棠開盡每來探
輕羅袖底松花片

索寫新詞日滿函

送張玉笥邑父師入覲二首

五石羊亭列祖筵神君原是玉堂仙
飛花滿縣都無稅
別去何妨選大錢

酌水沈香又一時石仙城下拜生祠
于今市販和耕婦
不暇江頭祀隱之

楊柳枝詞四首

翠壓朱闌十二千滿堤楊柳一般看
如何蘇小門邊樹
偏有遊人繫玉鞍

樹樹青青葉葉開低腰宜浪舞宜臺
莫多移到江都種
繫得君王不肯回

蓮鬢閣集卷之十

三
詩雪軒校刊本

垂柳垂楊亂著絲行人都擬爲相思
不知原是雙雙樹
生長橋頭慣別離

參差楊柳又如齊二月雛鶯上下棲
怪得多情青眼便
春風常笑雨常啼

寒楊病餘笑目前景物都無可咏
因戲作天上宮

詞四首

宮門初放鳳凰鳴掌籍隨班禮太清
奏定人間新貴榜

案前偷覷得頭名

長幡曲蓋寶光連冠卻芙蓉侍兩邊
直日退餘無一事

又尋丹籙勘諸仙

玉天妃子盛粧餘環珮玳瑁曳紫裾昨夜宴闌新有命
紫微宮裏掌文書

太微宮內散靈符樂託來朝古丈夫班罷徑同香案吏
天門東去看投壺

滕縣卽事

白骨成山潦水肥平妖諸將論功歸誅彞未必皆無罪
莫訝歌旋賜錦衣

江姬以忤貴陷獄念其冤救之謬欲身報賦詩以

蓮鬢閣集卷之十

四

詩雪軒校刊本

遣

飛去無勞首重回春風何力柳眉開他生若作銜環鳥
莫向名花隊裏來

遊絲曲

陌上迢迢怨別離輕風一道冒遊絲東家曳卻殘花去
繫得鹵隣日正遲

少年行

年少傳聞十二州報人讎盡轉多讎經行不用變名姓

醉臥胡姬賣酒樓

白雲西湖紀咏和陽羨謝山人韻三首

翡翠如屏疊嶂圍碧紗籠罩晚煙霏紅裾玉面偏遙見
幾處菱歌信棹歸

垂柳臺前半勒韁桃花馬上少年郎尋歡不值還追去
繞盡新荷十里香

輕風吹水蕩平瀾日午漁釣未上竿幾處洗粧流粉膩
裏湖波煖外湖寒

同伍國開譚元定遊西山雜咏二十首

都門西出馬蹄驕望望山光路不遙盡是內人香火寺

蓮鬢閣集卷之十

五
詩雪軒校刊本

月明湖上聽笙簫

新柳風吹與浪黃畫橋東去玉泉長年年三月花飛節
得入宮門汎御香

貴戚莊園隔寺開夕陽流水繞亭臺爲留進上諸花卉
不放閒遊載酒來

玉泉山後數家村亦有先朝太子園不識建文墳上樹
落花狼籍燕銜喧

景皇陵殿晝深深老監龍鍾出綠陰望去也多妃玉葬

白雲松柏共蕭森

龍爪槐生似柳枝寺前雙植武宗時額名宏化金書字
內有中官免死碑

共說神宗駕幸時侍臣朝立碧雲墀因看禿髮龍衣像

向揖西來面壁師時見達摩像龍衣故問且揖

傳聞諸帝過陵傍卻與中官一樣裝獨有龍衣雙騎夾

野人親得認祥光

陵園西過瑞雲扃世廟神宗輦步經寺有香山稱獨翠

軒承御筆寫來青

來青軒乃神宗御書

肅皇因侍寶慈遊宮女和南滿殿頭天眼品題真絕稱

蓮鬢閣集卷之十

六

詩雪軒校本

侍臣恭紀老僧留

肅皇帝云香山獨有翠色

神廟好題清雅字永安禪寺挂東軒更看海淀虛亭上

筆力端嚴體勢尊

路上宏光石十盤排生翠柏作闌干太平天子曾來住

虎步龍行繞復看

路經神宗步遊

蝦蟇石下落花疎雙井流泉度曲渠引出小池橋底過

綠波搖動見銀魚

土木征亡有范安紫芝崖下葬衣冠遊人解說當年事

不比尋常近侍官

鄭同當日使朝鮮梵宇回將樣式傳寶殿疊安千佛座
外頭如窳堵波圓

禪房花竹映林隈紺榭朱闌半不開每近清明霜降日
安排官使上陵來

壽安山下墦如城舍利中藏寶氣明識得憲宗眞達孝
寺前看有御碑銘

婆羅春樹放花濃此處英宗幸六龍地是舊元兜率寺
布金重建落成工

半陟高邱望帝鄉分明鳳舞與龍翔朝來隱聽春雷起

蓮鬢閣集卷之十

七
詩雪軒校刊本

卻是操兵內教場
剩有梅花供寫詩都看開早卻開遲上林桃李東風遍
肯信深山更幾枝

梁季貞年兄新婚賦贈二首

舞入芙蓉蝶作身嫦娥花下看曾親徒憐秋榜麟經客
恰與春風鳳管人

幾日章臺柳拂衣長安擲果競先歸于今定試新偷譜
畫出雙眉似與非

送何石閻先生遊韶石因寄禹峽朱叔子

珠江寒色結煙霞望望南禺帝子家一片琴心憑寄贈
山中無雪有梅花

寫畫寄徐巨源

薊溪長至似秋殘借得梅花作雪觀樓外夕陽猶艸色
孤舟遙載與君看

丁丑南還道中雜述四首

江北春如秋半天雪消塵溼望蕭然湖頭一色空無影
遙見孤航載曉煙

東岳廟前雲半開獨駕輕車趁伴回挨遍杏花三百里

蓮鬢閣集卷之十

詩雪軒校刊本

紅裙千騎進香來

爲有江南花下期花前飛馬踏胭脂絲鞭落卻無心問
策盡垂楊千萬枝

湖上樓臺入望遐淮揚新水遶人家不知東海春多少
歲歲江河送落花

吳門夜飲曲

艷女菱歌入晚風飛花添上舞裙紅樓船坐遍簾櫳月
疑在吳王永殿中

贈吳澹如二首

豔客輕舟入竹橋，虎邱花事正迢迢。他時若覓真娘墓，認得青蓮一朵嬌。

小閣初開繡佛成，自懸鸚鵡坐傳經。何人紅豆相思譜，得入華嚴字母聲。

還過豫章同朱子美萬吉人茂先青渥次謙集陳士業齋頭

花際相追不及呼，君家原是我歸途。猶堪一夜蕉窗雨，便脫征衫問酒壚。
士業亦遊吳適歸

萬茂先齋頭得高麗紙一幅乃姜燕及學士使口蓮鬢閣集卷之十
九
詩雪軒校本

口歸所貽子從陳士業飲過宿茂先因爲作畫并題其上

長白遙迷鴨綠煙，使臣回首別口口。陟鰲空在輿圖去，爲補林巒共愴然。

爲徐巨源作榆溪艸堂圖因題榆溪在豫章城內頗恨無山子謂爲圖補山不如爲堂補樓也

幾轉溪香一色風，家家荷氣與君同。還憑百尺高樓力，縮得西山到坐中。

去冬承陳秋濤宗伯移惠雙桐樹子當春淡陽生

賦詩奉謝

慚愧勞薪入爨聲
長安猶問破琴名
新栖又長雙桐子
珍重南枝慰月明

仙詞

童女三千別樣裝
蓬山殿脚曳雲航
麻姑笑倚燭龍樹
道是羅敷陌上桑

燈船曲四首

并序

庚辰五月既望揚州不雨咸修祈禱常儀於是
同社鄭超宗梁飲光姜開先冒辟疆諸子以予

蓮鬢閣集卷之十

十

詩雪軒校刊本

與陳旻昭萬茂先陳百史康小范諸同人適集
因倣秦淮夜遊爲燈船載歌吹以當雩舞諸出
觀者傾城畢集笙簫互奏香光絡繹本以土龍
之祝翻如水嬉之張人各製曲以授歌者

嬉春纔過閏元宵
端午還添廿四橋
便合龍舟與燈子
繞城簫鼓送蘭橈

盡著冰紗闊袖衣
柳陰人與燕交飛
河房倚遍簷前樹
夜扣城門趁隊歸

畫舫紗籠焰火旗
笙簫檀板間花枝
春風最擅包郎手

不羨當年翦綵奇
辟疆所攜花燈神巧
兼絕爲包止修特製

詞客人人杜牧才
停橈都爲鄭莊來
徵歌任選如花妓

索寫桃牋侍舉杯

還至吳門送朱方黯就徵北上二首

枯柳橋頭壅白沙
酒旗何處問啼鴉
逢君又望都門去

昨夜郵亭剩幾家

茂苑秋歸落葉疎
漢廷猶道薦相如
應分夜月銅盤露

留滯金門好著書

溪上晚步

蓮鬢閣集卷之十

十一
詩雪軒校刊本

餘杭城外石橋斜
不見清溪道士家
惟聽小姑閒唱曲

茜裙臨水折梅花

和徐巨源漢宮春曉賦

紫燕黃鸝滿殿頭
苑邊垂柳曉風柔
宮人倚檻纔梳洗

攀落桃花出御溝

憶次兒彭祖

石官入塾名彭祖
愛爾聰明每好奇
定是能刪徑邊竹

不教搖動損花枝

中秋陸清章招同郭履台先生過雁宕卹賞桂漫

賦二首 桂在申家墳

夢入霓裳已六秋，鬚眉那似舊風流。惟宜三竺尋僧去，
雙槩逢君亦少留。

芳原白兔怯人過，金粟年年入望多。見說當時宮裏事，
卻因靈藥誤嫦娥。

張天如吉士訝子真書似姬人作者戲畲以詩

腕鬼猶堪貌神女，家雞那得似鴛鴦。從今擬學夫人帖，
不爲書裙羨買羊。

同姚君左張艸臣劉公旦李文中飲竹圃各限韻

蓮鬚閣集卷之十

十

詩雪軒校本

立就

清秋江上泛芙蓉，信宿時看雨後峯。還向姑蘇城下泊，
兩三燒燭醉聞鐘。

送許班王同年還潮

興卽移家厭卽歸，黃金散盡有春衣。紅闌舊宅人相望，
恰傍尋巢燕子飛。

大中丞孩未方公以詩索黑葉荔子戲畲

側生可是中丞祿，不食還應養福田。留取左車量黑葉，
居然佛果勝諸天。

附中丞孩未方公原詩

經旬臥榻思新荔細擘輕紅酸未宜黑葉頗聞能蘊
藉熟來先餉兩三枝

附宗伯秋濤陳公和詩

使君嗜果如佳士採摘簞籠要及時江上火雲占不
定一潮官渡汎新枝

督師度嶺經飛來寺留題壁上

時奉命援虔統率
諸軍同吏部龔建

木參將弟遂琪遊擊
甥劉師雄星馳度嶺

提兵又過飛來寺報國深慚似去年但得文華人物在

蓮鬚閣集卷之十

三
詩雪軒校本

人間何地不神仙

10971

蓮鬚閣集卷之十



· 10971